

# 雲間幾社諸子

靜貴草堂藏板

# 詩文彙選

序

今

張溥撰



天子詔下禮官孳孳以進文學選德能  
為務甚盛事也

詔書到郡縣吏史左右顧升堂受命書

其邑之人上應

明詔率逡巡不敢發深山白髮之老聞  
詔書歡動顏色或有欷吁泣下恨生非  
其時者其他高才子弟年未任衣冠  
即提筆走謁官府願頌太平通齒籍  
終身爲聞人然度其時勢不滿三歲

天下之人不出獨雲間諸子異甚凡  
詔書之言皆其所素爲辛未之秋聯事  
鄉黨治古文辭者九人壬申冬成二  
十卷悉所期約其未期約而自撰述  
者不在其中讀之體不一名折衷者  
廣大都賦本相如騷原屈子樂府古

歌繇漢魏五七律斷繇三唐贊序班  
范誅銘張蔡論學韓愈記彷彿宗元至  
時事著策經義敷說別爲一書自夫  
四海之大百歲之久不能有也諸子  
生不出里閭年不及強仕爲時幾何  
其言滿堂不綦盛歟曩者午之役予

偕勒卣閭公臥子燕又東歸論著作  
抵夜分臥子奮曰誠如子言即不得  
官可不恨大聲慷慨舟人動色辛未  
彝仲燕又臥子罷春官歸謂予曰今  
年不成數卷書不復與子聞今其言  
皆驗余獨僂仰客中無所發舒又不

能勸說同里蚤夜樹立彬彬有聲辭  
命間一旦誦

詔書盥沐不給寢興太息甚愧諸子暇  
豫矣或謂諸子文辭太盛無束帛丘  
園之義疑與儒者不合然則六經非  
聖人作乎委巷之言君子所鄙言文

行遠國家賴之且其人孝於而親忠  
於而君即不聞猶傳又有文焉其事  
全矣今人聞談性命不察其生平稱  
爲儒家者流方言里諺視若太玄謂  
聖人在是諷雅頌之音覽竹素之字  
則等於鄒衍九州濫耳不信此固

明善必勝於此則無耳不計此固  
聖人至是屬辭賦之音讀竹素之字  
爲謝家香齋之言里蕪蕪苔太支隸  
全矣令人聞猶如命不察其生平辭  
然而吾頃不聞辭賦又自文焉其事  
并憲國家難之且其人幸然而歸志

# 序

姚希孟撰

嘗嘆今之人未必無古人也而今之  
文必不能爲古丈夫古人而文人者  
必曰忠摯如靈均曠覽如蒙莊秉直  
如丘明負氣如遷而今未必無其人

也洵有之而有屈亦無騷有莊亦無南華有丘明有遷亦無左史此其故有三古剗而今襲古以朝氣而今皆暮氣古人以文詞相高而

熙朝敦本課實於古文詞若詩皆駢枝也何以明其然也弘正之季變歐曾

而宗秦漢變中晚宋元而歸初盛今則祧主仍還秦祝而千金之享等於芻靈遁相詆實遁相師其爲優孟等也鑿蠶叢之路啓筭路之山者爲誰故曰襲也古者父兄教子弟學鞶革象勺之年以六籍爲乳潼而諸子百

家皆糜餌也今則以帖括生涯浸漬于老生之宿唾峩峩進賢多不免伏臘金根之誚其好爲詩文者猶是夙生結習未忘竊其塾師肄習之餘以代紙鳶棘猴之戲否則謝去訓詁乃從事焉如閨中之秀旣操井臼始習

粉朱風華韶令半銷亡矣故曰暮氣也古之人主強半右文所以長卿太白子瞻各有真知己其他標彩揚英者非當陸爲之扶輪則同聲代其植幟至今日而文則誰憐誰忌人亦可有可無作者或鷄口自雄旁觀則鼠

肝非貴文章之不尊未有甚於此日  
者其誰傳之而又誰攻之故曰駢枝  
也近有雲間六七君子心古人之心  
學古人之學糾集同好約法三章月  
有社社有課彷彿梁園鄴下之集按蘭  
亭金谷之規進而受簡則勇競倍於

師中聚而獻規又譏彈嚴於柱後此  
二百年來所初見也諸君子不鄙而  
出其副本以眎余如遊疏圃草木都  
非人間如入鮫宮瓊琳莫能名狀欲  
效一言罔置甲乙但憶唐人評文其  
最者則曰榱木枝幹結構大厦上棟



下宇孕育氣象可以變陰陽而閱寒暑坐天子而朝羣后又云赤羽玄甲延亘平野如雲如風有貍有虎闐然鼓之誠可畏也文章之妙約盡於此而余庚有進焉諸君子所爲傾北海之尊剪西窓之燭永夕陶陶歡言媿

媿者旣從今人中得古之文矣請從古文中論古之人乎徒以文云爾則屈宋同抱哀音何以別菑蘭蕓施之臭莊荀各尋懸解何以分燕雀鴻鵠之操盲史腐令豈無微類可攷不至於舉升天按入地者同其誣穢豈非

有一種孤行之氣亘星河而綿宇宙  
乎今之風會日趨日沉其能逆挽洪  
河之流掃暮烟而還朝暎者一則賴  
舉業家盡發二酉之藏而經生自囿  
者不得竄名文苑一則賴名下士必  
置身千古之上而傭鄙自甘者不得

連袂清流此其青萍之末實始吳會  
而煽爲麗景鬯爲繁條極芳華明豔  
之辰隱寓鍊幹冰稜之骨則彞仲臥  
子輩以螿弧爲之招也迺有識者恐  
其標持之過沿爲東京末造而吾獨  
以文章占其未然東京之文悃而僿

子直而易盡有霜枯木落之意此天  
地閉藏之徵也今則千常之松偕噫  
氣吐舒蒸爲崩濤走峽之聲可以蕩  
滌氛祲使妖狐老魅聞之而斯慄萬  
樹寒花破蓓蕾而出結爲玉圃散爲  
珠田凡歲蕤茸薈者雁行魚貫以領

東之皇命而不敢分乞兒餘火爲冬華  
不祥之桃李休明治象尚留於此獨  
是

聖天子大觀作人釐正文章之

詔纍纍掛壁而旣曰文矣恐非文人不  
能正旣曰正矣又非正人不能文此

韓歐諸公所以起八代而光萬丈也  
若以枯木朽株而壓鄧林之材陳陳  
蝟釘氣且逆鼻而踞案大嚼曰吾烏  
乎識籠鮓誰不姍笑之必欲釐正請  
還而求之於古惟嗜古則必窮媿惡  
之林按是非之則而萬世之公論出

唯嗜古則必托馮弔於銷沉之後定  
皈依於訛亂之中而人世之寵辱輕  
所以讀茲編者謂峯泖間斌斌多文  
人焉不知其爲古之人古之人也吾  
亦論其人而已矣

天下嘗苦於鮮才。以諸君子觀之。多卓乎之彥矣。平居之所講論。皆古今之故。當皆之急也。大者俊偉奇邁。懷生民之憂。小者剛辨雍雅。成風流之選。雖諧辭小言。各有深趣。余雖不知古人其殆庶幾矣。至於文章之事。非諸君所急也。各懷異才而無所用。壯心難抑。則假柔翰以解之。然其寄寓遐深。情見乎辭。古人所不免矣。天下多事。有可用之才而不見知。徒使其放情文史。

之林良足悼也。夫文史雖盛事。要豈當世所關  
治亂者乎。余竊悲諸君子之僅以文名也。故記  
之。

徐鳳彩題

壬申幾社之行世也。非諸君子意也。自余與聖  
期隣汝輩董成之。弇州先生曰。行天下始知天  
下大也。行天下又悲天下小也。天下凡幾郡國  
賢才以百輩。吾郡以海隅百里之邦。自諸君子  
出而卓然推雲間之文爲海內首。弇州之論豈  
欺我哉。諸君子方將各成一家之書藏之名山  
而文者又非諸君子所欲自號於天下者也。故  
祕之。雖然。曹子桓身有天下而曰文章不朽盛

事是又安可忽哉當世聞諸君之風者咸能興  
起古學則行世未爲失也

楊肅題

幾社壬申合稿凡例

文史騷賦異軌分鑣臨邛龍門未兼兩製自茲以  
後備體爲難典則之篇尤窮時日何得藉口壯夫  
呵爲小道  
文當規摹兩漢詩必宗趣開元吾輩所懷以茲爲  
正至於齊梁之瞻篇中晚之新構偶有間出無妨  
斐然若晚宋之庸沓近日之俚穢大雅不道吾知  
免夫

魏武七八紘之秀於同堂昭明聚千載之英爲一

集才難之嘆。豈獨當今。若時僅期年。人止一郡。雖  
 製作之美。有遜前賢。而篇什之多。或堪競爽矣。  
 長卿垂歎。猶留封禪之書。子厚遠遷。更上咏歌之  
 表。豈皆阿世。亦以頌德。若閻公賓遠之篇。蹈揚  
 烈祖。偉男南巡之賦。誇耀開元。吾輩前賢。以  
 先朝子龍。以生長江南。則作吳問。以誠司隸。薄遊  
 燕邸。則賦東郊。以告秩宗。雖竭其慮。思莫稱萬一。  
 而無益。聖朝尤難自默也。  
 怨誹不怒。風謠所興。感物悼時。豈能無慨。若有頌

無規。斯為近諂。至於蟬侯鼠相。鵲奏狐封。皆是外  
 篇。本無隱語。賢於博奕。以當滑稽。若有誹謗之疑。  
 恐非明時所諱。

托美人於君王。寄良媒於哲輔。淫思怨感。實始風  
 騷。舒章置蠟之篇。勒旨散釵之句。偉男西陵之什。  
 子龍秋雨之章。本非大雅所譏。豈云盛德之累。  
 占測之學。自有專家。五事之徵。儒者不廢。災異數  
 條。各本京氏。幸非諱朝。無煩欽承。  
 文人浮薄。古今所疑。輕毀前賢。非軋儕輩。吾黨深



絕實鮮其人。寥寥餘子之言。卿當第一之語。雖以  
一時取快。終非雅士所宜。若乃子女篡向秀之書。  
延清攘希夷之句。事同盜俠。匪獨輕浮。巧者勿矜。  
拙當自勉。  
諸子聲華各別。才氣等夷。文之多寡。分於勤輟。夏  
周久滯於金陵。王子頓羈于姑孰。偉男秋客會稽。  
燕又冬遊淮右。大宋棲遲梁苑之招。小宋饑仰文  
園之疾。多損時日。有妨吟咏。若宗遠素冠之哀。割  
於陽月。時遇則然。非關遲敏。

辛未之春。余與彞仲讓。木燕又俱遊長安。日與偕  
者。江右楊伯祥。彭城萬年少。吳中楊維斗。徐九一。  
婁江張天如。吳駿公。同郡杜仁趾。擬立燕臺之社。  
以繼七子之跡。後以升落零散。遂倡和鄉里。不及  
遠方。故勒貞詩曰。明時鳳侶多相得。下澤鷗群且  
自盟。子龍亦嘗有作曰。金臺賓客非無侶。蓮社神  
仙亦吾徒。雖感慨係之。亦見不朽盛事。非關名位  
矣。

陳子龍臥子識

幾社壬申合稿目錄

卷之一

賦六首

秋雲賦

李雯

避暑賦

彭賓

秋望賦 并序

陳子龍

逃暑賦

朱灝

寒修賦

徐孚遠

整思賦 并序

李雯

卷之二

賦三首

文皇賓遠賦 并序

徐孚遠

武皇南征賦 并序

顧開雍

皇帝東郊賦 并序

陳子龍

卷之三

賦十五首

太湖賦

夏允彝

和漢武帝傷李夫人賦

宋存楠

和漢武帝傷李夫人賦

朱灝

採蓮賦

陳子龍

採蓮賦

朱灝

幽草賦

陳子龍

幽草賦

周立勳

幽草賦

夏允彝

幽草賦

彭賓

幽草賦

王元玄

幽草賦

宋存楠

蕉賦

朱灝

紅梅花賦

陳子龍

海棠賦

周立勳

石菖蒲賦

徐孚遠

卷之四

賦九首

垂絲海棠賦

陳子龍

垂絲海棠賦

夏允彝

垂絲海棠賦

顧開雍

垂絲海棠賦

王元玄

紈扇賦

朱灝

蝶賦

朱灝

蚊賦

陳子龍

蚊賦

朱灝

詰蚊賦

李雯

騷十一首

衆夢

陳子龍

衆夢

李雯

衆夢

周立勳

訟魁

陳子龍

訟魁

朱灝

訟魁

周立勳

閔奄

陳子龍

哀謝

周立勳

天問

李雯

反招隱

顧開雍

初服

顧開雍

卷之五

古樂府八十一首

秋胡行

李雯

雉朝飛

陳子龍

君子行

周立勳

君子行

徐孚遠

君子行

陳子龍

君子行

彭賓

君子行

朱灝

君子行

宋存標

君子行

宋存楠

獨漉篇

朱灝

獨漉篇

徐孚遠

獨漉篇

顧開雍

獨漉篇

陳子龍

獨漉篇

李雯

獨漉篇

彭賓

獨漉篇

王元玄

獨漉篇

夏允彝

羽林郎

夏允彝

前緩聲歌

徐孚遠

前緩聲歌

朱灝

前緩聲歌

李雯

前緩聲歌

宋存標

前緩聲歌

宋存楠

行路難十八首

陳子龍

長歌行

李雯

短歌行

李 雯

飲馬長城窟行

李 雯

牆欲高行

夏允彝

悲哉行

陳子龍

悲哉行 一云遠遊

周立勳

悲哉行

朱 灝

悲哉行

顧開雍

悲哉行

李 雯

悲哉行

徐孚遠

悲哉行

宋存標

悲哉行

夏允彝

悲哉行

王元玄

相逢行

周立勳

相逢行

陳子龍

相逢行

顧開雍

相逢行

朱 灝

相逢行

夏允彝

妾薄命

李 雯

燕歌行

夏允彝

燕歌行

陳子龍

燕歌行

李雯

燕歌行

徐孚遠

燕歌行

朱灝

燕歌行

彭賓

燕歌行

顧開雍

東飛伯勞歌

周立勳

東飛伯勞歌

陳子龍

東飛伯勞歌

夏允彝

東飛伯勞歌

李雯

東飛伯勞歌

徐孚遠

東飛伯勞歌

顧開雍

東飛伯勞歌

宋存楠

東飛伯勞歌

朱灝

東飛伯勞歌

彭賓

東飛伯勞歌

王元玄

枯魚過河泣

李雯



枯魚過河泣

陳子龍

枯魚過河泣

顧開雍

枯魚過河泣

徐孚遠

卷之六

古樂府一百六十二首

長安道

陳子龍

長安道

李雯

長安道

王元玄

欲游南山行

夏允彝

空城雀

陳子龍

空城雀

李雯

胡無人

陳子龍

胡無人

夏允彝

隴頭吟

陳子龍

隴頭吟

李雯

猛虎行

李雯

善哉行

李雯

長相思

周立勳

長相思

李 雯

長相思二首

陳子龍

長相思

王元玄

長相思

徐孚遠

長相思

朱 灝

長相思

宋存標

長相思

宋存楠

秦女卷衣

李 雯

秦女卷衣

夏允彝

秦女卷衣

顧開雍

秦女卷衣

陳子龍

夜夜曲二首

周立勳

夜夜曲

陳子龍

夜夜曲

李 雯

夜夜曲

夏允彝

夜夜曲

顧開雍

夜夜曲二首

徐孚遠

夜夜曲二首

王元玄

夜夜曲

彭元賓

夜夜曲

宋存標

夜夜曲二首

宋存楠

春夜曲

宋存楠

采葛詞

宋存楠

懊惱曲四首

朱灝

懊惱曲

李雯

湘絃曲

周立勳

湘絃曲

李雯

湘絃曲

陳子龍

湘絃曲

王元玄

湘絃曲

顧開雍

湘絃曲

朱灝

邯鄲少年行

朱灝

邯鄲少年行

陳子龍

結客少年場行

宋存楠

紫玉歌

李雯

紫玉歌

陳子龍

紫玉歌

周立勳

紫玉歌

宋存標

紫玉歌

徐孚遠

紫玉歌

朱灝

江南曲

周立勳

江南曲四首

朱灝

江南曲四首

陳子龍

江南曲

宋存標

江南曲

宋存楠

江南曲二首

徐孚遠

古別離

李雯

古別離

陳子龍

秋夜長

李雯

秋夜長

陳子龍

作蠶絲

宋存楠

水仙謠

陳子龍

水仙謠

李雯

明月照高樓

宋存標

明月照高樓

宋存楠

折楊柳歌六首

周立勳

折楊柳歌七首

陳子龍

折楊柳歌六首

李雯

折楊柳歌六首

徐孚遠

折楊柳歌四首

宋存標

折楊柳歌四首

宋存楠

折楊柳歌三首

彭賓

折楊柳歌六首

王元玄

綠墀怨

陳子龍

烏棲曲二首

宋存標

莫愁樂

宋存標

莫愁樂

宋存楠

勸君杯

宋存楠

夜度娘

周立勳

夜度娘

李雯

夜度娘

朱灝

夜度娘

陳子龍

襄陽踏銅蹄三首

周立勳

襄陽踏銅蹄三首

陳子龍

襄陽踏銅蹄

徐孚遠

襄陽踏銅蹄三首

夏允彝

襄陽踏銅蹄三首

朱瀨

襄陽踏銅蹄三首

宋存楠

襄陽踏銅蹄三首

彭賓

五雜俎詞二首

夏允彝

兩頭纖纖詩二首

夏允彝

十索詩二首

宋存標

十索詩二首

宋存楠

卷之七

五言古詩八十七首

倣古十二首

李雯

詠懷十首

徐孚遠

詠懷十四首

夏允彝

雜詩

周立勳

雜詩

陳子龍

雜詩

顧開雍

雜詩二首

宋存標

雜詩

朱灝

擬行行重行行

宋存楠

詠史三首

徐孚遠

詠史

宋存楠

詠史

夏允彝

歲暮雜感四首

陳子龍

遣興三首

陳子龍

寓言二首

陳子龍

寓言四首

李雯

寓言

朱灝

惜捐

周立勳

惜捐

徐孚遠

惜捐

顧開雍

惜捐

陳子龍

惜捐

宋存標

惜捐

宋存楠

雜刺

彭賓

幽人

陳子龍

幽人

朱灝

幽人

李雯

幽人

夏允彝

田家詩

徐孚遠

田家詩二首

李雯

田家詩二首

陳子龍

田家詩

朱灝

田家詩二首

周立勳

旱

李雯

雨

李雯

喜雨

顧開雍

喜雨

周立勳

復旱

夏允彝

暑

陳子龍

卷之八

五言古詩三十九首



凌河

陳子龍

凌河

徐孚遠

凌河

夏允彝

苦熱

朱灝

清明

周立勳

清明

顧開雍

清明

徐孚遠

清明

朱灝

清明

夏允彝

清明

宋存楠

北郊看梅

周立勳

北郊看梅

陳子龍

北郊看梅

顧開雍

北郊看梅

宋存楠

北郊看梅

宋存楠

北郊看梅

彭賓

看梅

朱灝

適郊

徐孚遠

秋園感懷

李雯

九日登高詩

李雯

御史大夫張公撫浙時携二鶴歸山東孕

二雛焉以為瑞也圖以記之命予賦其

事

陳子龍

櫻桃

陳子龍

家園詩次年少韻

李雯

冬日同萬年少遊橫雲山李舒章園亭

陳子龍

春晝獨坐感懷

陳子龍

欲晴山行即事

周立勳

贈羅華亭紋山

陳子龍

從段橋雨泛出西陵橋

陳子龍

從段橋雨泛出西陵橋

顧開雍

循蘇堤至南屏下

陳子龍

循蘇堤至南屏下

顧開雍

自錦帶塘至湖心亭

顧開雍

從靈隱寺上韜光道

陳子龍

歷南屏諸勝取雷峯路歸湖中

陳子龍

家園詩二首

李雯

客寓贈澄江主人

徐孚遠

舟曉同方扶予先生武林道中作

宋存標

春季遊留都同社送別橫雲山因遊李舒

章園居

夏允彝

七言古詩十八首

刺牛

昆明池治水戰歌

陳子龍

昆明池治水戰歌

周立勳

昆明池治水戰歌

顧開雍

昆明池治水戰歌

朱灝

昆明池治水戰歌

彭賓

昆明池治水戰歌

宋存楠

廢苑行

李雯

廢苑行

陳子龍

廢苑行

周立勳

分咏西京雜記 新豐

陳子龍

分咏西京雜記 斬蛇劍

李雯

分咏西京雜記 慶安世

周立勳

分咏西京雜記 石鯨

朱灝

分咏西京雜記 賈佩蘭

夏允彝

學義山燒香曲

陳子龍

陽春烟雨詞

王元玄

壯士行

徐孚遠

壯士行

朱灝

卷之九

七言古詩二十一首

老將行

陳子龍

登州行

李雯

登州行

陳子龍

登州行

宋存楠

登州行

朱灝

遲暮行

徐孚遠

遲暮行

陳子龍

遲暮行

李雯

西陵曲

一名西吟

顧開雍

妍歌

陳子龍

邊風行

陳子龍

邊風行

李雯

壯遊行

陳子龍

池上寒月與客集宗遠園亭限如字

陳子龍

池上寒月與客集宗遠園亭限如字

顧開雍

池上寒月與客集宗遠園亭限如字

李雯

池上寒月與客集宗遠園亭限如字

夏允彞

青溪城望天馬諸峯

顧開雍

秋旅行

顧開雍

春暮曲

宋存楠

鴈蕩圖

朱灝

五言律詩六十七首

春望

李 雯

春望

周立勳

春望

陳子龍

春望

朱 灝

春望

顧開雍

春望

宋存標

對鷺

陳子龍

對鷺

王元玄

對鷺

彭 賓

對鷺

周立勳

對鷺

夏允彝

對鷺

朱 灝

對鷺

宋存楠

江南贈別

周立勳

江南贈別

陳子龍

江南贈別

李 雯

江南贈別

夏允彝

江南贈別

朱灝

江南贈別

顧開雍

江南贈別

宋存楠

病鸚鵡

陳子龍

病鸚鵡

李雯

病鸚鵡

周立勳

病鸚鵡

徐孚遠

病鸚鵡

彭賓

病鸚鵡

朱灝

病鸚鵡

顧開雍

枯桐

李雯

枯桐

朱灝

早春

陳子龍

早春

周立勳

早春

彭賓

早春

朱灝

早春

顧開雍

早春

宋存楠

螢

李雯

螢

夏允彝

螢

顧開雍

螢

王元玄

螢

朱灝

曉

周立勳

曉

陳子龍

曉

彭賓

曉

朱灝

曉

宋存楠

燕巢

陳子龍

燕巢

夏允彝

燕巢

朱灝

楊柳

李雯

楊柳

陳子龍

送董子出塞二首

李雯

送董子出塞二首

徐孚遠

送密之歸皖桐

陳子龍



即事

周立勳

夜步

王元玄

即景

徐孚遠

即景

朱子灝

曉發婁江

周立勳

早發

徐孚遠

村行

周立勳

送杜問思省親温州

陳子龍

舟行即事

徐孚遠

中秋一日到橫山作二首

李雯

聖期別業即景三首

陳子龍

夜眺

徐孚遠

晚意

李雯

晚寒愁坐

周立勳

卷之十

五言律詩四十首

行樂詞十首

陳子龍

憫亂四首

李雯

感秋三首

李 雯

獨立

徐孚遠

避地

朱 灝

雨

夏允彝

舟涸

陳子龍

偕諸公集盛氏二首

陳子龍

冬日遊小赤壁

周立勳

舟過潑山湖

周立勳

漫興

李 雯

偕萬年少李舒章宿陳睂公先生山房二首

陳子龍

晚宿野市

周立勳

宿山園

夏允彝

夜登虎丘

王元玄

長洲路二首

顧開雍

發金閭留別陳大

徐孚遠

金閭道

徐孚遠

曉湖初晴

周立勳

曉入西湖

顧開雍

晴湖

顧開雍

雨湖

顧開雍

山樓夜意

彭賓

立春

夏允彞

立春

李雯

除夕

陳子龍

除夕

李雯

燕巢

彭賓

五言排律四首

重經 孝陵

周立勳

春寒大風雨竟日分咏水讓居

陳子龍

為軫徠西悼亡

陳子龍

病鸚鵡

宋存標

七言律詩九十九首

感懷八首

陳子龍

感懷八首

李立雯

感懷八首

周立勳

聞滇入竹

朱子灝

小聞滇精次十次首

王元玄

聞滇

陳子龍

聞滇將西軒

彭子賓

少年

周立勳

少年大風雨意日全和木齋陳子龍

少年

顧開雍

五野祠軒四首

周立勳

野祠

陳子龍

野祠

夏允彝

野祠

李雯

野祠

王元玄

野祠

宋存楠

野祠

徐孚遠

野祠

朱灝

野祠

彭賓

避地

周立勳

避地

夏允彝

傷春二首

周立勳

傷春二首

李雯

傷春二首

朱灝

傷春二首

夏允彝

傷春

宋存標

傷春

宋存楠

傷春三首

徐孚遠

傷春二首

陳子龍

雪三首

陳子龍

雪二首

李雯

晚晴見紅霞覆積雪二首

陳子龍

晚晴見紅霞覆積雪

李雯

觀治兵累日二首

周立勳

觀射

李雯

聞山東捷報有喜二首

李雯

初夏雜感二首

周立勳

初夏雜感二首

陳子龍

初夏雜感

徐孚遠

初夏雜感二首

彭賓

無題二首

周立勳

無題

夏允彝

穆天子

李雯

穆天子

陳子龍

景陽井

李雯

春夜深雨聞隣家絃弄

陳子龍

有夢

李雯

中秋風雨懷人

陳子龍

中秋風雨懷人

李雯

至韜光嶺

周立勳

至韜光嶺

陳子龍

渡錢塘江

顧開雍

同遊陸文定公墓舍

陳子龍

同遊陸文定公墓舍

李雯

夜夢登岱

李雯

即景

周立勳

即景

王元玄

野泊

周立勳

寒郊夜坐

夏允彝

春盡

朱灝

春盡

宋存楠

卷之十一

七言律詩四十四首

霞起閣即景是日立夏諸同社咸集賦詩

竟日

陳子龍

寒月在池上作

李雯

廢苑

朱灝

客居越州值有兵警

顧開雍

對秋月悵然愁邊塞二首

宋存楠

同遊山莊次勒卣作

李雯

初夏

周立勳

初夏

彭賓

病起

李雯

漁火

顧開雍

開公彞仲宗遠勒畝臥子燕又偉男集王  
默公書屋  
宋存楠

野坐  
周立勳

冬至  
李雯

謝人贈牡丹  
李雯

生日偶成二首  
陳子龍

家童梢桂予不能止也傷而賦之二首

李雯

十月聞雷  
彭賓

獨立  
李雯

送方扶予入都  
陳子龍

送方扶予入都  
周立勳

送方扶予入都  
宋存楠

贈彭城萬年少  
李雯

送萬年少還彭城  
陳子龍

贈龍舒方密之  
李雯

贈龍舒方密之  
顧開雍

遇桐城方密之於湖上歸復相訪贈之以



詩二首

陳子龍

送勒卣之金陵四首

陳子龍

送周王二子入南國學二首

陳子龍

送董子北遊

顧開雍

贈轉運崔使君

陳子龍

為徠西挽內人二首

李雯

橫山阻風

李雯

橫山阻風

周立勳

干山澗中

夏允彝

渡春申浦

周立勳

五言絕句十五首

少年二首

李雯

大堤女四首

李雯

綠輝怨二首

李雯

雪後

周立勳

擬豔三首

彭賓

古怨詞三首

陳子龍

七言絕句九十七首

柳枝詞四首

陳子龍

柳枝詞五首

顧開雍

柳枝詞五首

周立勳

柳枝詞

夏允彝

柳枝詞三首

宋存標

柳枝詞四首

宋存楠

柳枝詞四首

李雯

野驛

顧開雍

野驛

周立勳

野驛

陳子龍

野驛

夏允彝

野驛

徐孚遠

野驛

朱灝

野驛

宋存楠

西湖漫興

顧開雍

西湖漫興十首

陳子龍

西湖漫興

周立勳

葛嶺 傳為賈平章別墅

陳子龍

秋曉二首

顧開雍

秋寺

顧開雍

錫山即事三首

陳子龍

錫山即事

徐孚遠

吳閶口號十首

陳子龍

秋月

彭賓

舟行即事二首

顧開雍

薄暮入惠山二首

顧開雍

贈澹雲王較書

周立勳

碧海

周立勳

穆天子

徐孚遠

嘲吳客

彭賓

斬蛇劍

徐孚遠

夜泊

顧開雍

許墅四首

顧開雍

許墅竹枝詞二首

王元玄

宮詞三首

夏允彝

宮詞二首

朱灝

宮詞五首

李雯

偶憶四首

周立勳

擬豔三首

顧開雍

卷之十二

序一十六首

皇明同姓諸侯王年表敘

陳子龍

皇明同姓諸侯王年表敘

李雯

皇明同姓諸侯王年表敘

徐孚遠

高帝功臣年表序

陳子龍

高帝功臣年表序

夏允彝

高帝功臣年表序

徐孚遠

高帝功臣年表序

李雯

高帝功臣年表序

王元玄

高帝功臣年表序

彭賓

皇明成祖功臣年表序

陳子龍

皇明成祖功臣年表序

徐孚遠

皇明成祖功臣年表序

李雯

仁宣以來侯者年表序

陳子龍

漢世宗名臣頌序

徐孚遠

漢世宗名臣頌序

周立勳

漢世宗名臣頌序

彭 賓

卷之十三

序一十四首

陰符經序

李 雯

水讓居稿序

李 雯

四傳合論序

陳子龍

方扶予詩集序

陳子龍

方扶予詩集序

夏允彝

夏子制策序

陳子龍

夏子制策序

李 雯

上巳讌集詩序

陳子龍

上巳讌集詩序

朱 灝

上巳讌集詩序

徐孚遠

上巳讌集詩序

李 雯

上巳讌集詩序

周立勳

上巳讌集詩序

顧開雍

九日登高詩序

李雯

論六首

擬皇明宦官列傳論

夏允彝

慎刑論

徐孚遠

朋黨論上

朋黨論中

朋黨論下

江南氏族論

李雯

李雯

卷之十四

論一十七首

易論

陳子龍

易論二首

夏允彝

易論

周立勳

書論

周立勳

書論

李雯

書論

陳子龍

書論

宋存楠

詩論

陳子龍

詩論

王元玄

詩論

朱灝

詩論

周立勳

禮論

陳子龍

禮論

朱灝

禮論

李雯

春秋論

陳子龍

夏論

夏允彝

卷之十五

論九首

商周論

夏允彝

七國論

夏允彝

唐論

彭賓

莊周論

陳子龍

莊周論

宋存標

莊周論

周立勳

蕭望之論

彭賓

蕭望之論

宋存標

鄧禹論

宋存楠

議二首

江南鄉兵議

陳子龍

擬御史大夫對珠崖不當棄議

徐孚遠

封事四首

劉更生為前將軍蕭望之白罷弘恭石顯

徐孚遠

封事

擬諫官不言宜罷黜封事	李雯
為馮掖吏民訟韓延壽	李雯
為汲黯劾公孫弘奏	王元玄

卷之十六

對十首

中州災異對 陳子龍

中州災異對 李雯

中州災異對 周立勳

中州災異對 夏允彝



中州災異對

朱灝

中州災異對

彭賓

中州災異對

顧開雍

旱對

夏允彝

黑虹對

朱灝

黑虹對

宋存標

難

朱買臣難公孫弘朔方十策

李雯

諫官

彭賓

卷之十七

策文一首

擬漢武帝太山金策文

李雯

冊文四首

冊狐文

夏允彝

冊狐文

徐孚遠

冊狐文

李雯

冊狐文

朱灝

制辭一首

戲為授廳氏制辭

徐孚遠

教六首

擬修淮陰侯廟教

陳子龍

擬修淮陰侯廟教

徐孚遠

擬修淮陰侯廟教

李雯

擬修淮陰侯廟教

顧開雍

擬修淮陰侯廟教

彭賓

擬修淮陰侯廟教

宋存標

表二首

七夕戲上天孫表

陳子龍

七夕戲上天孫表

朱顥

檄三首

擬軍府檄諭登海反者

陳子龍

擬軍府檄諭登海反者

徐孚遠

擬滇撫討普酋檄文

徐孚遠

啓五首

謝賚古鏡熏籠啓

宋存標

謝賚古鏡熏籠啓

徐孚遠

謝賚古鏡熏籠啓

陳子龍

謝賚古鏡熏籠啓

朱灝

謝賚古鏡熏籠啓

顧開雍

彈文一首

鵲彈鶴文

徐孚遠

章二首

擬沈休文上赤章文

徐孚遠

擬沈休文上赤章文

朱灝

卷之十八

書九首

爲陳皇后謝武帝書

周立勳

爲陳皇后謝武帝書

李雯

擬山巨源答稽叔夜絕交書

陳子龍

擬山巨源答稽叔夜絕交書

周立勳

擬山巨源答稽叔夜絕交書

擬山巨源答稽叔夜絕交書 徐孚遠

擬山巨源答稽叔夜絕交書 朱灝

擬山巨源答稽叔夜絕交書 王元玄

李立雯

擬招討澤潞使成德王元逵魏博何弘敬

上宰相李文饒求罷中使監軍書

陳子龍

文一十二首

訕蜂文 并序 陳子龍

訕蜂文 并序 夏允彝

訕蜂文 并序 周立勳

訕蜂文 并序 王元玄

訕蜂文 并序 徐孚遠

訕蜂文 并序 朱灝

訕蜂文 并序 顧開雍

反訕蜂文 并序

李雯

釋愁文

陳子龍

釋愁文

李雯

釋愁文

朱灝

釋愁文

宋存標

卷之十九

文三首

漢詛匈奴大宛文

陳子龍

詛匈奴文

夏允彝

詛匈奴文

李雯

說七首

尸蟲說

陳子龍

尸蟲說

周立勳

尸蟲說

徐孚遠

尸蟲說

李雯

非韓子說難

宋存標

楊墨說

王元玄

非賈山至言

宋存楠

辨一首

赦辨

夏允彝

短長言六首

客為信陵君說魏王救趙 陳子龍

客為信陵君說魏王救趙 夏允彝

客為信陵君說魏王救趙 徐孚遠

客為信陵君說魏王救趙 李雯

客為信陵君說魏王救趙 周立勳

擬平國君說項羽 宋存標

箴三首

續女史箴

朱灝

續女史箴

宋存標

連珠

演連珠箴五十首

李雯

設難一首

隱詼

陳子龍

卷之二十

問一首

吳問

陳子龍

頌三首

漢世宗名臣頌 并序

陳子龍

漢世宗名臣頌 并序

李雯

漢世宗名臣頌 并序

朱灝

銘八首

班定遠西域銘 并序

陳子龍

班定遠西域銘 并序

徐子遠

班定遠西域銘 并序

彭賓

班定遠西域銘 并序

周立勳

班定遠西域銘 并序

李雯

班定遠西域銘 并序

夏允彝

班定遠西域銘 并序

顧開雍

刻漏銘

朱灝

碑一首

擬漢武帝勒泰山碑

李雯

傳一首

扶柳侯傳

李雯

墓表一首

贈文林郎臨川縣知縣張公暨配蘇太孺

人合葬墓表

陳子龍

吊文一首

吊孔北海文

朱灝

幾社壬申合稿目錄終

幾社壬申合稿卷之一

華亭杜騏徵

徐鳳彩

盛翼進全選

秋雲賦

李雯

象罔先生遊於沆寗之野。弭節於洞庭之墟。案衍  
 沅湘。徘徊江沱。覽雲夢而不足。橫四海而焉如。於  
 時白帝柄矩。金虎含符。蓐收秉鉞。天駟戒途。爰有  
 飛雲帶於平蕪。雅雅邕邕。裕裕芃芃。歸鴈橫麗羣。  
 山遙聳態淫。喬而莫整。意脩媚而動容。飛黃騰越。  
 昂首而長嘶。翠虬蒼麟。躑躅而羈空。乃命於餐霞。



公子曰。澍夫秋雲之爲氣也。蓬蓬乎發乎蒼漭之  
野。曼羨兮冠乎巖業之峯。澹兮澄波之上。孳孳兮  
介士之胸。蔚兮混兮不可得而稱也。子盍爲吾賦  
之。餐霞公子操筆而言曰。若夫涼駕徐引。閭風旣  
飄。高旻歛氣。山川瀟滲。素霓屈尾。而菌蠢兮。青女  
皎軫。而峙乎西郊。覽豐沚之澄夷兮。隄厓漭洞之  
颼颼。玉繩靜暄。以幽蚪兮。析津滯漧。而迢遙灑  
廓。空不可得而泝兮。亦獨有流雲而爲之招。爾其  
出自巖竇。放攬大冥。撇裂廣除。騰駕飛閣。經玄丘

以淡浮兮。漬漉浦之沃澤。紆迴薄之流離兮。揚輕  
溶而自適。躡高衢以縱送兮。工繕緻而靡格。歲芳  
華。其日倦兮。翩獨混漾而不可止。眷顧芳楚以掩  
藹兮。亦又沄沄其未下。徒觀其天矯揚曳之爲狀  
也。口敷衝押翼。要紹淫搖。沛艾陽岫。被離陰臯。灑  
漱枵詣。脩娥自遼。明綺縷。襞襞飛髻。絲絲綏綏。  
與風波濤。羗無質而遠麗。滌藻氣而遐招。參離蟠  
冤。緝挺姪杆。畸頰媿尼。縱橫肆誕。霧霄霧霽。濂瀝  
漪灤。崑巖威蕤。鬱撓頽澹。岐岐苞苞。健俗而佔。檐

貌○層○山○叢○石○之○嶒○嶒○岩○聯○今○寫○靈○淵○飛○瀑○之○滅○廓○  
齋○渠○寓○魚○鱗○龍○馬○之○膠○轄○騰○拏○今○繪○帆○旗○崇○壙○之○  
揭○旒○岌○峨○嬋○媛○戍○削○羈○以○自○潔○今○瀟○蕩○軋○錯○紛○以○  
譎○詭○怡○擬○問○柯○扶○以○相○譏○今○畔○渙○麋○散○駸○以○飛○驤○  
豐○脩○髮○鬣○燁○以○華○葆○今○貉○綸○流○覃○灑○液○以○璘○幽○晶○  
瑩○發○舒○矚○以○迸○軼○今○傑○僂○便○姍○無○而○忽○荒○孤○渚○羣○  
遊○放○以○驚○盪○今○積○壘○搨○窳○窿○而○不○可○矱○于○是○罨○  
夢○北○陸○霍○靡○東○沼○洵○約○俠○冶○沚○灑○激○縹○飛○蒙○茸○今○  
狎○離○光○造○天○門○今○沐○清○沆○載○八○神○今○謁○上○皇○盤○喬○

喬○兮○來○無○方○忽○爾○塵○湧○捷○若○羽○鷲○長○飈○所○馳○不○能○  
自○固○漫○霏○微○而○自○進○今○眇○佚○女○之○束○素○嫵○可○握○而○  
盈○懷○今○臨○風○盼○而○徑○度○標○翠○旗○之○偃○蹇○今○眷○珮○纒○  
之○耿○晤○紛○繡○締○其○合○離○今○閒○余○心○而○不○可○怒○鶴○今○  
若○白○鵠○遊○鷗○驚○羣○翔○擊○以○羊○角○摩○空○蒼○泳○今○若○赤○  
鯉○升○鯨○鬣○揚○擊○波○跳○浪○菖○藻○旁○絢○今○層○青○縹○碧○  
錯○流○黃○璫○今○瓊○珂○垂○藻○旒○霞○璫○燁○今○雕○疏○翹○芬○灑○  
蕙○光○白○荒○荒○今○穹○廬○鱗○比○驅○羣○羊○班○種○種○今○仙○人○  
驂○駟○九○鳳○凰○晶○晶○晶○今○銀○闕○斑○斕○表○璇○堂○纒○襪○襪○

今帝子遊渚垂霓裳。靈靈幽洩。宵宵橫潰。流紛態  
以盈睇。兮造崢嶸而索懟。雖劉夷其不平兮。亂江  
海而空駛。來何都其駢田兮。襲靈露而一致。肆滂  
礫以擊汰兮。鬢鬢鬢而不治。緒翫侘而薄倚兮。夫  
其紆軫。曠恨之所始也。故其猿吟鷓悲。林愁壑嘆。  
竄臣放子之聘。睨婺婦羈人之謠。頌其有不在蒼  
梧之郊。高丘之咀者哉。重爲亂曰。有蒼者葭。白日  
不煦。悲宿莽兮。芳蕝。襍幽棘。堅其穎。靈霍伏處不  
吾理兮。霜霰董道。蘭憂桂驚。芳不得蒞兮。噤咀瓊

英懷荃以篋。林薄紆組中。自環兮。黽居江潭。路幽  
多風發。吳吟兮。屏翳悅娛。魂熊四施。屯若舟車。詎  
可載兮。萬態一息。情不可而信兮。眇志無從。乘曠  
隣兮。

避暑賦

彭賓

夫何長羸之降節兮。鬱陶陶而相蒸。翔陽赫以旦  
吐兮。赤燂莽莽而焮。烜吁假萬物以盈樂兮。亦獨  
煬然而不可親。天幕幕其不高兮。雲邁邁而相屯。  
蟲恢戶而羣噪兮。獸譔譔而趨趨。氣灼燎以紆軫。

今體○泮○散○而○勿○賓○豐○隆○岑○岑○以○領○啣○今○女○媿○歛○裾○  
而○息○乎○青○蘋○朱○鼈○文○鯨○陳○以○吟○噉○今○方○穀○輕○容○襲○  
以○冒○身○泱○莽○今○煩○毒○之○不○平○曠○蒼○今○渺○思○之○難○成○  
鳴○勃○今○批○扮○之○自○營○湫○雜○今○蠅○蠶○之○相○迎○淫○累○今○  
軀○軀○黏○液○而○志○不○精○于○是○乃○冥○心○沉○視○造○幽○衍○博○  
登○降○太○清○入○出○冥○冥○策○神○駝○之○漭○渺○今○求○余○心○之○  
溲○清○上○噍○嶢○以○遡○風○今○下○淵○湫○之○澄○泓○約○扶○荔○之○  
披○離○今○雜○蘅○藻○以○爲○房○鑿○積○氷○之○皚○皚○今○佩○涼○珠○  
之○琅○琅○左○嶽○巖○而○右○崎○嶇○今○蒙○茸○連○蜷○猿○狄○吟○而○

自○涼○忽○飄○飄○以○橫○浮○今○上○流○霞○之○西○堂○聽○王○母○之○  
舒○嘯○今○披○余○襟○之○洋洋○瀉○九○井○之○淑○湫○今○憑○玉○檻○  
而○極○望○遊○豐○山○之○寵○嶸○今○爰○耕○父○之○所○都○叩○九○鍾○  
以○求○霜○今○冽○清○淵○之○可○娛○呼○帝○苑○之○潛○蛟○今○蔭○衢○  
桑○之○高○枝○尋○莽○浮○之○幽○林○今○招○風○伯○而○呵○之○追○穆○  
懋○于○苹○澤○今○賦○黃○竹○之○清○詩○服○甘○霜○以○自○飴○今○覩○  
水○桃○之○離○離○總○余○轡○於○廬○岳○今○抹○余○馬○於○崆○峒○拂○  
石○鴈○之○秋○翎○今○侯○玉○犬○之○遐○踪○望○二○女○於○江○淵○今○  
交○沅○湘○之○緒○風○淡○皓○漾○而○遼○寫○今○意○滌○覽○之○從○容○

忽。逼。皇。以。迅。高。兮。又。颺。颺。而。丰。茸。遂。驤。逸。於。不。周。  
兮。歷。委。羽。之。幽。鄉。盼。寒。門。之。峩。峩。兮。層。氷。用。而。積。  
剛。惟。冬。夏。之。涇。淬。兮。豈。惟。申。首。與。空。桑。蔭。廣。乘。之。  
寒。林。兮。漱。百。梯。之。鴛。漿。擊。洞。亭。之。神。鉦。兮。號。湘。妃。  
而。鼓。簧。飛。雲。幢。幢。而。遙。集。兮。吾。又。飄。飄。其。未。厭。踵。  
帛。猷。於。石。梁。兮。採。紫。芝。以。自。荐。八。桂。挺。森。以。掩。覆。  
兮。泉。翔。翥。而。飛。霞。彼。天。姥。之。簫。笳。兮。聲。清。冷。而。不。  
見。聽。幻。眇。之。空。音。兮。思。幽。緬。而。欲。滔。入。華。山。之。潛。  
穴。兮。聞。黃。河。之。波。濤。策。氷。夷。之。驟。御。兮。又。送。之。以。

飛。颺。吾。令。次。仲。張。翮。兮。障。燭。龍。而。不。驕。沐。余。髮。於。  
玉。盆。兮。脫。余。佩。於。漢。臯。宿。九。疑。之。麓。床。兮。吹。鳴。麓。  
之。霜。條。顧。微。颺。而。沉。吟。兮。遇。雲。將。而。相。要。天。吳。俟。  
於。朝。陽。兮。騎。鯤。尾。而。狎。琴。高。扣。懸。藤。之。靈。宅。兮。穹。  
龍。伯。之。晶。宮。波。騰。裝。於。其。上。兮。下。窻。窻。而。穹。窿。聽。  
鮫。妾。之。杼。聲。兮。導。玄。魚。而。爲。舞。升。浪。滄。之。雲。臺。兮。  
托。危。山。之。青。羽。遵。巖。路。兮。跨。天。衢。招。屏。翳。兮。澤。后。  
土。殮。玉。英。兮。飲。浮。沆。神。嬋。媛。兮。蕩。澄。浦。若。夫。昆。昭。  
崇。霞。之。臺。凌。波。迎。風。之。殿。翻。車。渴。鳥。之。工。游。飄。條。

翮之扇。紫髯拂兮柄。潛英冰絲。裊兮沃龍精。畫石  
床兮帳琉璃。枕瑤珉兮張藻屏。靜瑟鳴兮整浮瀛。  
玄鶴舞兮飛雪零。平臺遠以送日脩。池廣而漣冷。  
緬豐美與弱藻。翮紈袖而膚青蕩。蘭舟之桂楫渡。  
江南而採菱。乃爲謠曰。碧玉樹兮瓊爲枝。聲錚玲  
兮風治之懷。芬澤兮與霞期。荷爲裳兮將誰貽。重  
曰。激清源兮滌湘襦。心有秋兮不在時。望幽崖兮  
見青滋。蓮欲紅兮烟罩之亂。曰。練芳佳兮棲層幽。  
玉虬聲兮懸瀑流。縹霏霄兮空澹浮。虹誰須兮在

巖丘。不可駕兮聊淹留。調清羽兮招飛商。揭桂旌  
兮繚以颺。奚蓊叢兮麗炎光。屆盛秋兮徒繁霜。人  
則熱兮余以涼。山澩澩兮水滄滄。

秋望賦

并序

陳子龍

僕聞淒榮之態同觀。而傷搖之感獨發。何則。履裕  
者難擾。而境頽者易激也。故鯨鯢震溢。貴彥忘懷。  
柯葉吟颺。羈人疾首。非云大小殊途。亦淺深之異  
致矣。管蘭臺才子。河陽年少。宿騁恢麗。早擅雋穎。  
從容燕寢之餘。出入承華之省。况以微辭給辨。貴

王破顏容止清妍。淑姬聯袂亦仕宦之大榮。遊娛之絕暢也。猶不能忘情於秋。愬懷騷雅。感其蕭瑟。托以優游。乃知秋之傷人也甚矣。况予弱歲沉悼。茂壯淹抑。五十之年已及其半。而位不列於章服。名不奮於邦家。俯仰赧焉。軒輊算摺。自念終賈之儔。未為負絕。撫時感運。遂殊塵漢。此所以當陰景而憫惻。披涼颼而黯黯也。且夫哀樂放心。至人之達節。榮悴莫撼。曠士之冥致。推於近道。其迨庶乎。至於才情之士。托思綿渺。援趣流激。雖途值恬夷。

會當輻輳。猶淫淫而煩怨。冉冉以悲時。况乎頰臻。搖落之期。大有傷心之事。鮮世俗之工巧。抱泛濫之餘聲。有不遇此。愀厲增其浩嘆者乎。茲者金行布氣。少昊流運。商風掃秋。雲物頽澹。予也厭端居之不聊。矚大野之難盡。或狹侶山阿。或孤佇林麓。所見錯雜。有不平於心。遂抽遙宕之思。庶幾緣情之作。其辭曰。

歲涖灘之素節。今予當散泮而無儀。瞻虛星之西峙。今肅旻天。其益深。漭白氣之灑灑。今蓐收臨而

高馳流沆碣要紹其不可即兮。寒閭闔之雲旗朱  
羲息轡於太蒙之野兮。越軒轅而弭六螭。星衢頽  
蕩以寂寥兮。淨廣漠之平夷。飛廉噫其淒勁兮。不  
周颺然而四披。天雞弄其緒風兮。橫九軌以流離。  
氣滄滄起金虎之墟兮。燼平林而白衰齡。刑德之  
大蔽兮。情違怛以時墮。睽瀟瀟以瀏濫兮。檄玄冥  
之所居。當其大辰右遜。金行執矩。貍劉旣祭。雲翹  
始舞。陰道日進。漸膠流而不可敷。布壇漫以廉瀉。  
暖僿徑之層莽。削辰蔽之譎紆。捫芳菲其焉取。嘯

號。號之軼材。搴扶搖之厲羽。旣遠傷而愁容復近。  
惋而難杜。時益益於瑤谷。屢濛羃於淑浦。紛兮膠  
轄而無窮。凌蕭晨以自撫。其爲氣也。或慄或馘。叛  
散泛汎。油油憤哀。揚焞涼紅。溲漉霏英。夔踞收虹。  
雲物激翳。空光淒零。景響憤悵。悒悒沸江。漫烟蟬  
蛸荒荒。相逢霽兮。色娛湫兮。陰夢百枯。倬僂奄忽。  
西東。又似割絕。湯湯厥中。飛聲澀嘉。曼礫悲攻。標  
疾陵競。與巖玲瓏。赫瑟橫施。焱駭馮馮。相玉鳩之  
獵獵。冷折丹之西。噶引一縷於綿細。寢總尊以極。



煩○啓○踈○薄○於○林○麓○振○先○零○之○悼○喧○赴○暄○景○以○日○變○  
攄○浮○雲○之○蹇○蹇○矯○高○清○以○掩○冉○脊○鬱○軫○而○潰○翻○趨○  
阜○垚○以○慄○膚○抱○幽○房○而○歛○魂○神○凄○其○以○顛○鮮○兮○姪○  
初○寒○於○霍○靡○澄○雌○蜺○之○容○容○兮○夫○何○徘徊○流○爛○之○  
餘○綺○也○播○丹○崖○玄○嶺○之○儻○婉○颺○颺○兮○轉○陰○濱○陽○渚○  
之○漂○茫○邈○迤○留○霍○沛○艾○莽○畏○焚○輪○兮○颯○然○颺○颺○載○  
開○載○弛○震○霹○盤○桓○澹○以○幽○泄○兮○繁○陰○縹○緜○蓬○勃○切○  
瀾○墮○籀○棉○封○參○參○激○攝○兮○鳥○獸○羸○駭○凜○以○疾○駛○荒○  
泊○葭○緒○崩○雲○凝○霞○兮○蒞○蒞○沉○沉○層○黝○赭○紫○慘○風○千○

端○令○人○心○痲○兮○惻○減○索○瘁○攬○華○徒○倚○况○兮○湫○急○使○  
多○遺○忘○倫○比○角○犯○芸○芸○萎○黃○黯○兮○若○妍○姬○煩○怨○垂○  
空○房○厲○兮○若○旋○室○窈○窕○陰○乍○陽○夔○兮○若○介○士○摧○藏○  
擲○大○荒○塞○兮○若○夜○臺○黥○黥○悲○無○方○懟○兮○若○羣○聲○牢○  
刺○律○反○商○忽○兮○若○荒○邦○散○崩○兵○氣○四○揚○不○得○和○暢○  
懊○伊○傷○傷○予○將○眺○其○穹○窿○兮○屬○土○囊○之○決○口○掃○終○  
風○以○颺○舜○兮○羗○凌○遲○此○芳○醜○呵○水○棲○之○妖○露○兮○百○  
卉○瘵○而○旣○酉○歷○九○州○而○占○其○搖○殞○兮○衷○怍○怍○而○誰○  
取○使○亂○予○情○之○不○平○兮○天○又○爲○此○黑○黝○冥○下○上○其○

益靚深兮予又安知其所守撫霜華之極酷兮曾  
 偃蹇於左右若夫崇山崔嵬密嶺屢屨嚙嚙鏗霸  
 巋崎窟廕巨壑砰礚檣零扶掖白茅迴陷儻莽參  
 峩虛巖豁開颺颺以馳周視四山氣縮無姿聯崗  
 飛柯攬解何之感草實之衰變悼葆蕝之感虧眇  
 丹葉之卹削駭淒響而索吹虎鼻鼠梓披櫛貢綦  
 嘉若桐棗惡若櫟橙鎔交具腓離華辭枝枚檠扶  
 檣號竅殿呶椒紅心於岸岫槭酸實於空塔桂專  
 香於清旭櫛輪茵以翳卷菽臺龕榮蕨薇蓀荃僵

萎囂隈何草不玄玉女敗蔓藹綬踣捐嗟堅弱之  
 盡晦咸杪撼以靡瘖割秀種而馮陵廢喬嶽之駢  
 聞玄熊倚樹以嘯風脩蛇蟄穴而不出魁魑猓豸  
 乘秋而嗜猛獫遯颺以駛牟徼徊攀林而罽鬣怪  
 鳥大噪鸛鳩鼓翅鶴鷗呌陰鷓鴣時鷲風雨之族  
 各鳴厥類鹿甡甡而踐籜鷲求妃以睨視既掩薄  
 而於悒亦臨高而悲悻嗟山中不可久居又愴然  
 而涕泗至於江漢澄景震澤陰暮厓隙霧杳沙溼  
 烟度圃潏渤湧潛瀾盤赴潢混漶漶瀟瀟瀟流注霍

如崩雲霰霰布濩騰飄飄之始殺折澎湃以含吐  
水蟲嚇而蜃輪棲禽冷而徐步遊女浴月於靈潭  
鮫人漾綃於淵路時至灩澦浩浩以作敗菡瀟房  
寒菰依隄萍菱蒿醜莢亂老莧嘉蔬浸蕩翹英披  
淒鷓鵲鷓屬玉睢鷺嚼蓴競藻翕呷啞齊鶴鵝  
結陣以泊雨鷺鵠引吭以鳴栖清流澹淡泳游東  
西極哀啖於星渚改謹聲於凍沚浮別浦之羈雌  
啄葭根之魚婢哀潛鱗之撥刺噉雲羅以橫渙奔  
下瀨以流喝懷寂溲之泚泚悒繁聲之咽鳴轟寒

光而四起心沉抱兮水國夫何羨乎魴鯉又若平  
原廣坳宿莽封塋古燹亘埜高隴崢嶸榛棘遮徑  
飛蓬上征循嚴霄之狐跡摧狂颿以捨攘揚野火  
之藪爛砂獵驚以不平於是雲闕電霄雷曇漉漉  
翕赫答零颼颼搖颿我行其野無有暮暉鷓凌風  
以下擎兔倦劄而投微日略略以向黯天沈沈而  
極霄雀聚寒於颺館馬長嘶以求蕘經秦隴之遙  
宇度荆吳之遠輶極孤情於萬里胡佗條而鬱陶  
至於蕭序輕灑夜光迥麗澄漢容容修蛾裔裔皓

魄○腴○腴○幽○沉○舒○洩○天○津○便○娟○斗○杓○迢○遞○耀○牽○牛○之○  
 屆○期○淡○招○搖○之○晔○晔○紛○流○鴻○於○風○塗○吟○莎○鷄○於○庭○  
 際○謐○良○夜○之○曲○隱○寄○秀○傷○於○婉○慙○爾○其○虛○樓○婀娜○  
 廣○術○清○曉○綺○疏○沾○露○曲○房○繚○繚○有○美○一○人○妙○以○僂○  
 懷○感○涼○颼○之○襲○人○怨○梧○楸○之○宿○鳥○裁○歡○心○於○君○子○  
 歌○秋○風○之○嫋○嫋○歌○曰○萬○物○將○謝○寒○光○苦○辛○精○魂○內○  
 視○何○以○橫○陳○明○明○在○旁○終○不○見○人○答○歌○曰○美○人○幽○  
 遐○豈○無○良○媒○端○然○在○雲○其○影○徘徊○將○子○無○歿○同○登○  
 漸○臺○吹○蘭○茗○於○娟○夜○從○婺○星○之○邈○居○齡○霧○翹○之○瘁○

削○獨○徬○徨○而○至○曙○嗟○迅○商○之○引○緒○兮○亦○適○運○之○參○  
 差○齊○哀○樂○以○共○傷○兮○惟○予○懷○之○自○知○西○皇○不○察○予○  
 之○中○情○兮○日○令○歇○此○歲○蕤○征○予○目○於○羣○滋○兮○雖○昭○  
 清○而○竟○衰○怨○鳴○條○之○奄○奪○兮○夫○何○年○歲○之○不○可○羈○  
 也○秉○介○志○而○銷○鑠○兮○當○漸○滅○而○難○持○也○樂○少○壯○而○  
 不○遑○兮○又○何○為○此○遲○遲○也○彼○草○木○之○淹○落○兮○猶○及○  
 秋○而○告○槁○匿○蛾○眉○而○下○帷○兮○人○安○知○其○將○老○惕○寵○  
 貴○之○危○身○兮○我○既○潛○有○此○芳○草○人○不○見○其○鬱○郁○兮○  
 倦○靜○好○於○遠○道○陟○高○山○而○寫○懷○兮○神○眴○眴○而○望○乎○

玄圃照九江之極深兮。龍夔畧而蛟舞蛟。既怨其  
 文章兮。虎又信信而予怒。帝晦霾而不我見兮。望  
 舒獨照以孤明。感嬋娟之容徽兮。愧要召之宿誠。  
 吾將服蘭而餐桂兮。菊又菹菜而垂英。雖佳期之  
 後時兮。咸含香而保貞。恐有美之適盡兮。徒予情  
 之營營。顧至人之無欲兮。冥大道於虛無。從陵陽  
 而遠遊兮。徑溟瀛以踟躕。命山獬以乘風兮。結素  
 蜺而為幟。燭龍為予照夜兮。勅崑崙之青鳧。駕沙  
 棠而涉弱水兮。度流沙以須臾。紛沃若於雲中兮。

妹脫下土之愁心兮。永翱翔以歡娛。彼秋風之動  
 地兮。不至於西王母之都。亂曰。滌霜露零。曜靈  
 晷氣。恹閔兮。洞庭之山。瀟湘之淵。風雨躡兮。蘂蕪  
 枯爛。山鬼婉孌。二女愍兮。婉孌素好。侵感肌髮。華  
 年隕兮。鸛鶴失雲。兼葭水周。澹滄荒兮。水斂山困。  
 條枚屈。相憂無方兮。織服戍削。光影和媚。遙相望  
 兮。凝寒日進。君子燕處。中心傷兮。賓於羣玉。載歌  
 載舞。雙成觴兮。清淑平衍。無榮無凋。永悅康兮。

壬申文選

卷之一  
十四

小樊堂

逃暑賦

朱

顯

炎帝揚以赭旂兮。自駐節於南陸。羲和逞轡來會兮。朱驩蜿蜿而推轂。鶉鳥至以張翼兮。祝融改乎赤服。雲峯崔嵬鬱丹兮。螢照遷於腐谷。研磅聲隱。霆車兮。蒸煩空而未伏。陽精出而煮海兮。彤赫仇乎淵。客黃雀扇彼蠹威兮。倏張燭於電宅。景乘離以司衡兮。霄厭冥而含赤。丹衢列以環鑪兮。媧皇爍其補石。投焦害於雪國兮。龍皮消乎熱液。迎涼草以却炎兮。要冰鳥之來適。鑿晶山而守閉兮。不

隸壽麻之籀。知東方不可托兮。食北方之鼠脂。玉竹簞以佞肌兮。復遙曳乎水帛。服冰丸與雪散兮。有壬甲之符辟。狎淵以避天毒兮。絕歆艷之氣驪。躡石局而熨腹兮。玩冷虵之易燬。堅息不納。恹野兮。能環十火以向邇。蘭殿香飄汗粟兮。習裳風與珮水。乞蓮醖以敵炎井兮。浥梧身之綠髓。潛柳館而避霞蓋兮。鞭早石以消怒。白羽握揮繁星兮。承玉漿以醉兔。弄輕紈之蟬翼兮。引蕉睡於初寤。望旃檀以入林兮。浴甘瑞之新露。翻銀河而注珠箔。

今斷虹梁之烘渡紅沫已汗霧幕兮逐蚊雷之失  
諱陰岡已薦苔蓐兮設霜縑為夢護倚桂林之筍  
玉兮裁龍湫之珠布闢劔閣以居峭兮移瀟湘為  
雨步晶盤頰而瓜浮兮奈裏流其丹乳挽盃航於  
曲沼兮吹涼律於風穴招冷蟾以入懷兮令赤道  
之燭滅渴蚪靜飲寒漏兮傳桂戶而不閉幌綃以  
牽水帳兮宿熱龍於藕闕丹魚啣其紅浪兮旱烟  
濕而空咽熏兮烈兮改涼轍兮纏彼鬱邑增內蕪  
兮氣構幽宮淡暉曠兮津息大火開煩鑰兮心若

草木忘灼虐兮

審修賦

徐孚遠

肇若木之洪胄兮粵賚叙乎有羸倉效靈於淮澨  
兮格景脫於朱紘穆纏牒於海岱兮昭南服而揚  
聲皇作霖於宗袞兮熙十有八載而亮貞惟介弟  
王衛於玄武兮爰宅揆於舊京逮王父之續武兮  
迺合鎮於昆明考傑梧霍駝於瓊之圃兮鑄玉環  
而弭英播遺芳於前哲兮誕四葉而震俶文母探  
策於靈蓍兮曰予夢協於貞卜黃龍誕宛於階阼

今○雌○霓○珣○璆○而○翕○煜○芙○渠○的○樂○而○流○霞○兮○施○若○神  
 元○開○華○而○傾○覆○紛○總○總○而○竝○進○兮○倏○橫○厲○而○矯○矗  
 意○咤○愕○之○良○久○兮○襲○衆○兆○而○載○夙○大○淵○儷○於○仲○園  
 兮○辰○章○紀○而○告○育○承○玄○訓○而○底○惠○兮○內○含○淑○而○離  
 尤○比○豐○淫○而○弗○還○兮○聿○懷○恤○而○信○脩○日○扶○扶○而○鬱  
 純○兮○怛○如○雲○之○早○秋○琴○東○嶠○之○似○組○兮○韜○素○錦○以  
 爲○禍○佩○迷○穀○之○晃○煇○兮○素○陞○虬○以○爲○旂○文○雛○五○禩  
 而○始○成○兮○羗○連○寒○而○禮○羽○乎○中○洲○予○旣○應○質○於○銀  
 黃○兮○俟○班○倬○其○儷○之○夫○何○媿○婁○之○登○臚○兮○文○栢○扶

疎○於○屈○屣○嗟○幼○服○而○中○處○兮○歲○冉○冉○而○不○予○追○管  
 中○涓○之○執○命○兮○羿○浞○鬻○鬻○而○裂○觚○紫○蜺○朋○而○圍○日  
 兮○喬○雲○慘○慘○而○瘞○移○宛○沈○視○而○食○方○兮○厥○暉○在○林  
 而○吸○鷓○恫○丁○辰○而○犖○犖○兮○斗○運○樞○而○朝○霽○迴○皇○轡  
 於○山○淵○兮○登○頓○九○坂○而○不○寔○丙○離○章○而○耀○淳○兮○信  
 階○天○而○彌○矚○瞭○浮○雲○之○干○干○兮○曜○靈○淹○遲○而○蔽○翳  
 嬋○媛○屏○御○而○憔悴○兮○抱○鴉○虎○齒○而○婉○孌○淵○闕○九○光  
 而○弗○舍○兮○儻○獨○疏○屬○之○山○而○少○憇○鑿○璠○垣○而○殖○蓬  
 艾○兮○玄○禾○不○澤○而○稭○之○若○厲○飛○鼉○驕○驚○而○資○黍○兮



騏驕同方而囚繫彼蛇牀之與蘼蕪兮雖有明者  
而難睇雍門振聲而不喑兮皇華嗑然而衆爲之  
齊矯予矢於虎圈兮曾西指而飲乎孟霜邀犇戎  
爲予右兮眇中道而輟行袷襪纒而在內兮洵服  
媚而不彰茵三華而弗食兮糅朝觀以爲棖鳴深  
澤而不升兮交鸞猩而引吭鴻翼離羅而惻惻兮  
志用舉而淹洋警夾河而爲婚兮媒徒勞而無梁  
五色具而不雨兮瞻耀離而莫識所當冀迅風歛  
焱而上浮兮何海水羣飛而蔽於天杭衆旣狺狺

而甘非類兮孰貞廉見援而不傷彼鼃鳴而鼈應  
兮固相輔而爲强蒼龍觸石而摧角兮誠單獨之  
不可以爲翔翟暉暉而弭戶兮怒陸離而不光純  
鈞淬而在室兮腐齒眠繭而截肪紛如姱之雜沓  
兮予獨欵欵而誰語卮絜精而求珍兮悼十年而  
不處鳩請間而有明兮玄女謠詠而善詛悲黨人  
之迫隘兮振予芳而莫之與侶天網罟罟而浩廣  
兮暨託乘而娛予蠲發歲以爲期兮矢元辰以遠  
舉攬予袂于雲中兮褰華帛以爲襦濯予足於凌

之○巖○兮○詠○峨○峨○而○穆○愉○歷○千○里○而○迅○影○兮○駕○林○氏○  
之○騶○吾○采○石○薄○以○夕○春○兮○羞○祝○餘○以○鼃○鋪○按○予○轡○  
於○平○丘○兮○弄○遺○玉○於○三○桑○選○發○鳩○之○怨○侶○兮○女○娃○  
告○予○以○不○遑○經○從○極○之○深○淵○兮○曰○維○水○夷○之○鄉○不○  
周○妻○其○凝○顛○兮○冽○天○池○之○蒼○蒼○遑○龍○陰○而○弇○日○兮○  
予○維○逕○泰○遠○而○回○輿○扶○木○蔽○芾○於○東○極○兮○曜○芒○經○  
紀○於○合○虛○緬○孺○帝○於○大○荒○兮○棄○瑟○絃○絃○于○壑○底○之○  
墟○慙○舉○父○之○不○量○兮○斲○九○鳥○使○安○居○拒○齊○州○以○南○  
指○兮○躋○招○搖○而○未○晡○廢○响○山○而○懸○瀟○岳○兮○周○流○觀○

乎○九○頭○之○圖○翫○靈○石○其○淹○久○兮○瀨○潺○潺○其○若○枹○導○  
玄○綬○取○八○齊○兮○時○亦○有○黃○鳥○上○下○於○神○巫○陰○圓○丘○  
而○瞰○赤○泉○兮○但○人○生○之○須○臾○夕○弭○節○於○建○木○兮○若○  
華○揚○旌○而○西○指○渴○飲○削○成○之○玉○膏○兮○明○星○含○霧○而○  
鬢○只○乘○秦○噐○之○文○鯨○兮○渙○若○爛○朱○霞○而○疾○駛○挹○河○  
宗○而○觀○玉○果○兮○披○陽○紆○而○睹○瑤○華○之○里○翼○赤○巖○而○  
登○八○隅○兮○西○母○侑○予○而○嘯○徵○悼○白○雲○不○可○以○栖○遲○  
兮○予○將○駕○蜚○螭○而○去○此○測○渾○泡○於○昆○源○兮○悵○博○望○  
之○未○通○蔥○九○折○而○伏○流○兮○高○闕○刺○天○而○龍○從○流○浮○

竹於孟門之口兮。髣髴乎慎子之遺風。臨秋水而太息兮。波漫衍而無終。馮夷舞蛟而迎予兮。牽桂襦而俯幽宮。將擊汰而下洛川兮。方南循乎沅湘。交九江之風雨兮。漱帝臺之鴛漿。下長沙而支石牀兮。微橘井而慘創。撫帝子其猶怛。倅兮矧懷靈。受書而傍徨。泝巫峽而闚井絡兮。聆清榮倒植於素湍。怖觸石而輟鳴角兮。肅若天吳。驤首於黃龍之灘。嘉蜀守之立石兮。要奇相而不謾。過姊歸而沉情兮。哀屈田之縻漫。歷荆門之峻嶒兮。虎牙鬪

竦而噴。屹矚洲陽而弔二隱兮。望衡宇而永嘆。緬泗淵而俯淪。鼎兮。喞樂早而龍絕。係展黃玉於魯城兮。演孔圖而應契。憇琅琊之崇臺兮。偉於越之得歲。彼萬戶而築宮兮。徒湛辭于二碣。望馬蘭之秀峙兮。想樂生之納說。憑易水而和如意兮。憤懣振聲而隕涕。履碣石而觀滄海兮。天柱岌岌而東奔。飛虹杳眇而浮梁兮。敦秦皇之食言。總靈迹之荒忽而瑰秘兮。覲超世儻冕而獨存。誠齊巫招安期兮。資盧生受藥於羨門。右英要我而采芝兮。曰

至道之不煩與真人乎相求兮。滄神山之潺湲。皇娥竝坐而撫桐兮。酬滄瀆而未諉。發雲披離而散明兮。渺青吳雙鵠之翻翻。嘉流暢而難極兮。心躊躇而徙倚。屬勝情而自鎮兮。服明真之秘旨。曙嬋靈之猶侘兮。寧甄微之可紀。琴入水而散形兮。鰲霧而遊乎赤鯉。班浮沉於丹延兮。爰披裘於藥市。仲落翻於徵車兮。壽光發書而存履。史縣閣而梯嶺兮。翼神恬漠而高視。悲往者之不咸兮。洞冥蹤。東而。鬱錄太玄之瑤種兮。耕藝圃於方州之巔策。

東公之步景兮。三繞而未賓於虞淵。扈南巡於寶壇兮。雲氣舒卷於露泉。釀遠飛之落桂兮。餌追復以爲鱣。澤邪木之甘瓢兮。甦青丘之塔芋。泊散原而鸞舉兮。倏羽服而升乎列僊。乘兩龍之騰孳。僚糾兮。擁層蓋之膠輶。旖踞牽約約之照爛。傑僂兮。淡閭闔之燦焱。披離佩。絢纏。商擘若素氣之連卷兮。冠玉樹之詰曲。傾靡。選衆神而竝。轂兮。浮。蠖。蒙而委蛇。豐隆。殷軫。鬱律而騁遊兮。列缺掩雷。倒景。娛玉女而嚙噫。勾芒。絳雲。矯。譎。以捷芝兮。葍。收。敦。

圍執鉞而伻伻長離拂翼低回以亢騰兮。禹彊燕  
宛紆鬱而踞踈騷擾雜沓相視而異態兮。霍靡蒙  
龍散光采於天達淚沛縵獵狂趨而不可以嬉兮。  
駢衍流離幻窕以戚施命騎官導駕兮。裂櫬槍以  
抗旌方掩芒於西陸兮。儵垂景於戶明津析木而  
指星紀兮。汎天漢之泓泓抵閣道而入紫宮兮。瞻  
璿宇之崢嶸執法內侍而應制兮。常伯荷劍而相  
迎御羣耀而覲天皇兮。勞憫予以下土令陸吾啓  
鑰而列圖兮。徹中繩而開策府玉版纏岌而焜煌

兮。靈文指受而莫予敷鉛嶠嶮之酢實兮。注黃露  
之盈甌綵青渠之灼爍兮。珊瑚瑤碧以爲組臨下都  
之玉檻兮。暉和鸞戴戲而歌舞恭夙命於載辰兮。  
聊媮樂於廣除徑千歲而來歸兮。吾將從軒黃之  
所居風后負書而疾驅兮。容成矯厲而振祛情悃  
悃而徘徊兮。黃靈顧而謂予子有服於司命兮。非  
化人之可慕收暇豫之遐心兮。迺卷懷於常度  
雲衢而視潏央兮。予胡爲乎此路警秦穆之上天  
兮。輒忽浹旬而始寤叩炫炫而無畛兮。俯熒熒而

無垠。睇。泯。黯。而。無。睹。兮。聽。沈。滯。而。無。聞。怛。萬。象。之  
回。薄。兮。測。化。始。其。焉。分。彼。先。通。之。神。智。兮。諒。非。有  
貞。於。素。墳。襲。江。使。之。遺。策。兮。值。嚴。平。之。撤。簾。穆。判  
合。以。視。擬。兮。晰。羣。言。之。炎。炎。曰。天。道。淪。以。零。盪。兮。  
衆。晦。晦。而。未。覘。沈。吉。凶。之。交。瀆。兮。渺。攤。辭。之。不。譖。  
延。吹。玉。以。降。神。兮。奏。脩。娛。而。沉。湍。處。父。絕。膂。而。違。  
亂。兮。挺。幽。隊。於。霍。壇。萇。招。異。以。抗。主。兮。愍。彊。宗。而  
遘。難。高。激。權。以。滅。趙。兮。越。先。世。而。受。丹。神。達。昧。而  
不。章。兮。瞞。淫。貞。其。漫。漫。媯。失。緒。而。端。箸。兮。乃。延。祚。

而。育。姜。括。懟。姬。而。湛。族。兮。文。光。輔。而。啓。襄。韓。椎。服。  
而。入。胡。兮。兆。兩。侯。而。後。昌。竇。傭。身。於。絕。岸。兮。爰。有  
屬。於。闈。房。曙。始。忤。而。終。合。兮。洵。號。笑。之。異。方。尚。黃。  
髮。猶。鼓。刀。兮。鬻。入。岐。而。作。賓。范。三。徙。而。益。艾。兮。奚  
七。十。乃。舉。秦。朔。詭。辨。而。位。下。兮。偃。鼎。食。而。歿。身。班。  
奉。辭。於。長。信。兮。趙。擅。主。而。後。迤。固。委。命。其。焉。如。兮。  
夫。何。悴。已。而。愒。愒。彼。大。岬。之。嚙。噬。兮。苟。高。馳。而。必。  
跌。庶。飛。遁。以。從。謀。兮。竭。絕。意。於。世。繼。封。枯。原。以。翳。  
羽。兮。娛。曠。浪。以。養。拙。顯。予。志。之。續。紛。兮。麗。服。美。而。

自○恣○抗○諒○直○之○雅○操○兮○揚○靈○芬○而○不○悛○獨○廓○落○以○  
 永○日○兮○寧○寂○寞○而○存○神○劣○河○汾○之○沃○衍○兮○招○子○光○  
 以○為○隣○規○伏○臘○而○苴○茅○兮○擬○敬○通○之○隴○津○捷○六○枳○  
 以○為○籬○兮○縮○孟○狼○而○為○紉○播○黃○蔭○於○廣○術○兮○斲○枿○  
 桂○而○當○振○縹○牛○薺○之○離○離○兮○漾○雕○胡○於○深○淵○剝○  
 糝○以○方○流○兮○亂○浦○淑○而○便○涓○浴○鳧○容○與○而○誕○散○兮○  
 素○鱗○唼○葉○於○平○川○彼○山○根○之○慕○為○龍○兮○徒○暴○鯁○而○  
 自○還○庶○遂○性○而○同○樂○兮○託○愚○谷○以○怡○年○詠○綺○季○之○  
 徽○音○兮○撫○龍○唇○之○素○絃○玩○陰○陽○之○迭○盪○兮○讖○河○洛○

之○秘○篇○牒○海○落○之○側○理○兮○驅○翰○林○於○廣○田○慕○子○雲○  
 之○湛○思○兮○信○守○好○而○測○玄○繫○員○杙○而○方○妥○兮○夫○孰○  
 瑩○其○所○妬○抽○羣○緒○之○踦○羸○兮○籍○神○靈○而○自○覆○龍○光○  
 離○於○泰○柄○兮○非○是○時○之○可○畜○雖○失○位○而○道○良○兮○予○  
 固○知○其○必○復○噴○以○牙○而○童○角○兮○允○得○亡○之○所○究○睟○  
 幽○冥○以○隱○塞○兮○昭○黃○純○之○所○繇○系○曰○高○旻○曠○霽○日○  
 無○眩○兮○白○露○浩○灑○蘭○為○臺○兮○振○芳○鬱○越○祗○離○詠○兮○  
 倩○以○苞○姿○文○為○災○兮○遺○世○遠○遊○廓○無○疆○兮○驅○光○涉○  
 雲○紀○絕○荒○兮○帝○鄉○不○極○虎○豹○狷○兮○蜚○駒○逡○巡○內○摧○

傷○兮○閉○心○沈○翼○幽○不○爭○兮○懷○默○保○已○澹○無○營○兮○晏  
入○立○泉○以○底○貞○兮○式○懿○先○民○永○淑○令○兮

整思賦

李 雯

李○子○身○既○不○遇○側○觀○時○變○憂○煩○迷○惑○不○能  
自○理○遂○遊○思○方○外○設○形○虛○無○假○物○遙○通○聲  
其○紆○鬱○故○號○曰○整○思○其○詞○曰

托○帝○顓○之○遐○宵○兮○爰○臯○韜○於○庭○堅○肆○伯○陽○以○西○御  
兮○跨○隴○紀○而○長○延○宅○甘○涼○以○大○啓○兮○應○龍○翔○於○太  
原○植○末○胤○之○紛○昌○兮○播○遠○條○於○江○南○赫○世○哲○之○相

聖○兮○吾○祖○遜○而○用○康○兆○余○甫○以○耿○介○兮○忠○為○纍○而  
不○揚○余○幼○秉○此○偉○則○兮○嚴○董○路○而○迪○芳○既○引○矩○而  
受○繩○兮○復○琢○珪○而○求○璋○賁○鱗○羽○以○鴻○苞○兮○有○製○像  
之○在○旁○味○逃○哲○之○所○腴○兮○歷○孔○老○之○堂○階○羞○束○脩  
之○芟○芟○兮○羅○日○月○而○在○懷○琬○二○華○之○魏○冠○兮○襟○黃  
河○之○厯○厯○樹○龍○角○而○為○梳○兮○橫○參○首○而○為○枕○前○建  
木○之○華○旃○兮○後○扶○桑○之○雕○軫○雖○幽○賤○其○不○菲○兮○抗  
獲○虎○之○蹠○蹠○畏○自○後○於○羲○和○兮○睇○傍○徨○而○不○暇○豈  
積○媿○以○好○夸○兮○懼○前○猷○之○未○沛○集○所○懷○而○實○博○兮



非世尚之所賴揚余袂之獨良兮鳴余鸞之噦噦  
 鏗華鐘而建鼓兮叩鼙者而長寐悲羣犬之吠日  
 兮越驚履而為怪誠不款於世度兮保堅芳之未  
 艾獎稽牧之翼黃兮佳礚溪之逢畋苟有美之必  
 招兮宕修志而彌塞歎魁堆之雄狡兮詈鸞鸞為  
 不賢俗漸滌以驕傲兮鮑又欲欺夫芷蘭熠熠明  
 而當戶兮笑長庚之無顏羣黨藉以仇荃兮孰余  
 心之可言世顛眯以狂趨兮余熟視而不語拜黑  
 峽以祈霽兮役女魃而致雨張敗罽於盃井兮謂

江河之無魴鱣誤服藪以自臭兮遂疑蘭而不茹  
 遇醜者而整容兮反咻咻而謂余製章服之朗麗  
 兮豈泥塗而可廬棲神龍於蟄穴兮中拂鬱而不  
 疎神荼臥而自荒兮竈與髻其相掄心盱慘而不  
 夷兮望魂魂而誰適焦持疏以行吟兮激端木而  
 抱石南比行以自迢兮本烹鱣而不食原楮冠以  
 辭病兮賜憑軒而為抑風搖樹以不寧兮臯帶索  
 以長泣信佳士之束芳兮行雖矯而終立桓東指  
 而口張兮東郭洩夫莒謀曾疑孔以狼貪兮瑟用

循夫狸求吐引屠以喻女兮。果終醜而不酬。夫孰有內而無外兮。孰有隱而能周。商秉籥以睨紂兮。諒厥能而辭武。狐荐荆以良牧兮。猶張弓而行怒。苟審已而著公兮。固哲人之所覩。饒鵠舉以自遠兮。哀書言而不佇。御蓄脯以待亡兮。郭公用而羞。虎既失魚而覆甌兮。雖終悔而何補。奚冗世之溟滓兮。指波濤而為路。身顛隕而不知兮。孰察余之善步。哀時命之不與兮。白日不可與為徜徉。珮碧瑜之琤琤兮。聲雖清而不昌。麋與鹿之相遊兮。顧

娥媼其孰臧。抽瓊簪以招燐兮。譬被螳而求羊。結懸黎以施鞶兮。不忍襞裂而無當。傷桂樹之秋榮兮。天沉沉其雨。霜折若華以拂日兮。恐遂萎而不彰。望湘纍以思明兮。匪放逐其焉耦。顧漆園而長傲兮。世不悟而徒莠。欲倒景而遐征兮。浮丘告余以不咸。將依朔以自玩兮。侏儒笑而中慙。懼浣斷而自失兮。卒顛顛而常淹。心蹇產其無俚兮。亢澄幽而太息。惟戚施之不可竝兮。吾將遠行而自釋。駕飛黃之馱馱兮。羽嘉軫其承翼。載僮佺以驟乘

今命大丙而秉策朝沐瀝於鴻洞兮握迷穀而繼  
 食羗龍舉而雲發兮籠九挺其未畢過碣石而東  
 馳兮爰蒼靈之攸居拜木公於青陽兮跨步影而  
 疾驅欒吉雲之墮露兮登嗟丘以高噓何豎亥之  
 雄步兮徑東西而為衢撫十日之九九兮吾將繫  
 彼桑枝彈大壑之棄瑟兮倚蘇門而鼓夔傲玉雞  
 以司晨兮息九士而長嬉悲帝女之勤海兮役龍  
 伯而助之乘折丹之來風兮採瓊田之神芝航溟  
 海而問丘兮洪濤怒而不怡望南州之恢良兮假

兩龍於祝融巨風為余申驅兮訪伯禹於潛宮探  
 宛委之藏函兮嘉玄夷之秘功發陽門以抽思兮  
 吾欲往乎蒼山訢重華以証直兮要孟涂而司丹  
 獯陽嘖嘖其選余兮鮫又黃能而當關招神雀于  
 珠塵兮方回聘余其不懽目望洋以遐矚兮歷編  
 駒而盤遊邠倚驕之巨實兮酌寶甕於丹丘注赤  
 泉之浸潭兮爰不歿之所繇奚鬼母之善育兮揚  
 蛟睂以為修蒸炎土以煩熯兮顧罔罟其焉儔朱  
 宣侯余西施兮望弁茲以焱駛相玉門之紛巫兮

惟靈藥之是司。眷皇娥與帝子。兮叩文梓於滄湄。何神靈之浩蕩。兮爰桑中以為期。爨浮玉之沉燃。兮過寒荒而不熺。彼夏后之嬪天。兮安所得夫三妃。陸吾治於柱州。兮詔開明而迎余。涉翥海之瀟波。兮覽坳澤之潛渠。升板桐以上備兮。恐造天而徐徐。金母嗽余以神泉兮。冰夷貢其璿珠。惟下都之長。豫兮不周。淒其涼颼。玉女察余之不畱兮。擊雲璈而餞詩。詩曰。日月徬徨不可與京。天地婉孌。孰云無情。鳴鹿懷瓊庶卉。含英將母去矣。誰知其

貞和曰。英英白雲。流君之堂。曰余徂止。飛旌翱翔。吉命不獲。厥中迷荒。爰其畢思。與子承筐。歌既闋而總轡兮。軼大冥而騰驤。蔭槃木之奧。屏兮實高。陽之舊鄉。懼九陰之不但兮。折明莖以舒光。呼羽山之鳴鶴兮。聲清冷而容長。厭相柳之腥膏兮。原澤為之不芳。覩天闕之峩峩兮。斟玉饋以為漿。聞紫河之萬里兮。遂方舟而擊汰。丹藿燁其影生兮。雲龍蓂以相藹。惟沉墨之涇清兮。孰燭陰之可代。臨委羽之叢淵兮。悼人生之難化。霏狀沐之遂周。

今反中原而息駕。五岳會其雲。罕兮森挺挺其上。下羗電眸以雷聲。兮光旭昉而難載。揚靈旄之雪。焯兮復嚶。畧以駿。鍵值含樞之未降。兮肅上真而相待。忽屑祕以假寐。兮選玄君于霞宮。牽雄狐之綏綏。兮指玉戟而授躬。載九襲而三韜。兮不可得其穎鋒。諸稽勗余以不宣。兮離明謂其從容。旣耿晤而中疑。兮裝亦嚴其未解。速翔陽使施鞭。兮纖阿爲余前馬。索巫陽而不遇。兮步儲與于中野。渺靈脩之不見。兮穆天造之焉知。危輔貳以劉竄。兮

帝爰從而禡之。龍翼軒以梧蚩。兮降下土而囚之。禹渴耦夫封狐。兮誕厥子而光妣。苗有唐之忠臣。兮厥用勦而不訾。甲何德以荐帝。兮乃錫龍而供旨。廉捷踵而娛紂。兮賜石棺而良歿。旦得風以悟成。兮尹感霧而不起。穆躡昆以考壽。兮民冒沙而化豸。鼈纂望以野歿。兮頌神明而後衰。趙及斗而廟髻。兮因長世而享代。瑗喪君而罔讐。兮幸暱孔而不排。齧陷差以蒙帛。兮反入越而多賄。伯較丁以彌罪。兮乃或誅而或封。蕭呼游而引鳩。兮石冠

兔而更榮嘉覆椀以詣狴兮賢朱輪而日崇夫既  
 不可以更僕兮叩九關而為通馳余心之灼灼兮  
 建余旒之幢幢左雄伯使帶劔兮右騰蘭而鳴笳  
 前游光以傲路兮後夔瞿而樹葩八雲眇其上際  
 今虹霓避乎天街荒裔裔其長驚兮昶疏疏其鴻  
 綱亢駮駮其無垠兮駭懷懷其曠隳先長離以結  
 言兮又申之以豐隆太乙峙于紫庭兮跪敷詞而  
 矜容享天饌之精和兮飲彤霞之流醲恐失度而  
 自簡兮歌既醉而以終遂雅拜而出次兮覽八維

以方羊背闕丘之業業兮超都宮之隍隍携招搖  
 以指路兮閱漸臺及明堂架王蚪梁天潢兮數白  
 榆之蒼蒼觀妖慧之磔張兮用射之以徬徨求附  
 耳之所在兮爰投之于封狼升少微以屏勢兮散  
 大陵之沉殃復東岱之金雞兮返西華之玉羊拭  
 歸邪以散彩兮與玉燭而齊光戴玉英履赤矛之  
 波喬雲橈兮建九旂運帝車之虺疇章皇拂朱鳥  
 陵咸池之馭還傲趨兮擢天船泛析津之鮮扁溶  
 洋搖演勿述嗃以嚆震兮萃縈捷獵奮以陸梁標

婦○綏○肆○汨○以○汜○艷○今○稠○寂○躩○踞○以○濂○窳○憑○青○虹  
 之○矯○厲○今○舉○指○雲○之○霄○霓音翳昌○光○以○四○馳○今○翼  
 握○譽○而○標○激○中○巢○遼○以○溲○清○今○追○遙○夢○于○宿○管○問  
 天○老○之○所○都○今○挺○靈○茅○而○占○易○遇○射○隼○于○高○墉○今  
 云○藏○噐○而○勿○亟○彼○青○丘○之○潛○獸○今○固○黃○矢○之○所○直  
 靈○既○兆○余○以○吉○占○今○又○迪○之○以○温○詞○曰○天○小○敗○而  
 大○昭○今○貫○終○禩○而○匪○移○泥○阮○羿○于○荒○畋○今○澆○逢○大  
 而○顛○尸○桓○賊○隱○而○困○齊○今○襄○誅○彭○而○豕○啼○驪○雉○申  
 以○祚○奚○今○唯○重○耳○之○自○啓○季○抑○孔○而○流○昭○今○遭○僕

虎○而○為○繫○孰○雄○行○之○誕○天○今○謂○不○稽○其○終○始○帝○入  
 室○以○護○子○今○終○破○斧○而○作○歌○鑄○二○妃○于○茗○華○今○愛  
 不○育○其○如○何○王○肆○情○其○終○違○今○矧○下○斯○而○可○怙○獠  
 犬○驚○而○陽○亡○今○失○牛○潰○而○高○禍○苟○順○時○而○瑕○之○今  
 雖○小○物○而○足○與○夫○蒙○俗○之○淫○潰○今○乃○不○可○以○坦○履  
 環○此○惟○以○勃○谿○今○顛○陽○文○之○安○處○機○毒○賦○猷○鳳○今  
 待○麒麟○于○網○罟○惟○哲○人○之○端○亮○今○固○夜○行○而○隱○霧  
 膠○與○漆○其○相○讐○今○蠶○與○馬○不○竝○茂○彼○同○類○其○不○好  
 兮○奚○冰○炭○之○為○媾○物○甚○精○以○必○愚○今○介○對○賞○而○沉

煙中甚厲而易羞兮。聚索夢而自殲。欽至道之平  
靜兮。豈劇劇而占占。歸祖氏而穆休兮。固上善之  
所甄。粵余承此鴻誥兮。意訟繆其歛脩。憑閭闔以  
流目兮。吟緒風之颼颼。怒余心之孔懷兮。鬱增悽  
此荒遊。氣悽悽以中翳兮。膺盤盪以羈愁。旌勞勞  
以飛思兮。僕夫倦而吟謳。辭神君兮。降瀕洞識舊  
丘兮。見梧楸霞霏霏兮。承余衣電耀耀兮。環余輶  
揖羣靈兮。謝扶胥。倏飄箔兮。歸巖嶽。息崎嶇之累  
志兮。反澄澹之愉心。理聃祖之拱壁兮。撫昭氏之

鳴琴。法騰蛇之神榮兮。懷介鳥之好音。陶醇化于  
四時兮。殮泰鴻而極明。溷孔墨于一囿兮。蓄鉛朱  
而同房。函茵茵挂之馨香兮。襲維佩之艷琅。釋明月  
之琇弁兮。罔雲昆之星裳。笑離朱之察螟兮。媵魯  
醫之療忘。庶坦通以娛樂兮。聊且與乎清狂。苟中  
懷之洵姱兮。以不戾兮。願俟時乎。吾將颺亂曰。  
天蓋高兮。不予謀。褰裳問兮。中心羞。發激歌兮。寫  
層憂。紛以登兮。遐哉浮。遐哉浮兮。藐安際。策龍車  
兮。御羣帝。中沆瀣兮。光旆旆。倏來往兮。多繁會。蛟



三十三  
在澤兮虎在路，謁仙真兮為余懼。解余繯兮剔余蠹，初則迷兮斫然悟。反余轡兮登余堂，味玄酒兮服黃裳。日為車兮氣為糧，不可禦兮樂無方。

幾社壬申合稿卷之一終

幾社壬申合稿卷之二

華亭杜騏徵 楊 肅 徐鳳彩全選

賦

文皇賓遠賦 并序 徐孚遠

歲在壬申，臣犬馬之齒三十有四，括髮事縉紳家，言術藝淺薄，不能昭理，竊閱長棄。聖世不稱先臣舊德，名字墮泯，作寒修賦一篇，以示臣同郡人陳子龍、子龍嘆傷其意良久，因取閣上書一卷觀之，得從臣所記。

文皇帝非征錄子龍謂臣曰

文皇帝景武宅夏越宗毘祖誕畧淵塞威節焱舉  
寓內休暢既植既洽然猶不敢底寧乃踐窮磧掩  
浚稽下富良益交部截葱嶺吏南服航越裳亘海  
外殊遐殷喁震聲景恠物登膺不可殫陳比於伊  
獻格享博矣用宜依類薦章進述隆美包冠前度  
而一時言語之臣屯篤執讓不能從容揚文粲備  
昭則緝之無窮臣竊恨之私念鋪聞掌故經緯洪  
緒作皇統一典會臣從長安來觀

今皇帝展祀東郊穆儀靈契盛哉非代所覲瞻仰  
光藻標其髣髴卒少間未遑抽引遺策也子盍  
依耀日月用以自廣發憤據辭昌衍祗爍何必湛  
息抑放哉臣惛然震於恢議體大弗克究退自惟  
省古者罪戾擯廢之臣積垢隱忍咸欲榮鏡顯符  
施於人世卓爾偉麗代有其篇綴文之徒諷其懿  
淑麗於制作蓋亦雅頌之次也臣誠闇塞無以發  
嘉號播徽烈感於永平賢遷之議允哉樂道上古  
不若憲章王度乃迴息竭智規晰殊尤萬分之一

稽首頓首作

文皇賓遠賦其辭曰。下。寶。聖。之。道。六。符。樂。在。古。於。維。有。皇。援。運。蹈。圖。綴。帝。系。之。絕。紀。同。於。玄。混。升。龍。儷。天。馘。蛟。駭。麋。以。開。迹。我。宸。域。肅。物。湛。害。旁。涌。滂。沛。訓。而。定。之。訖。於。晷。昧。罔。有。不。咸。蓋。三。十。有。餘。年。迺。眷。北。顧。實。惟。神。宗。愍。家。未。艾。秉。鉞。振。振。兆。康。於。屯。回。翔。天。邑。朱。邸。載。謹。粵。五。讓。而。弗。克。遂。崇。嚴。而。誕。祚。焉。於。斯。時。也。殊。慶。覃。彌。洪。祉。四。馳。分。遣。信。臣。紛。紜。靈。威。玉。章。遐。被。金。葉。庸。隨。曾。未。浹。辰。改。號。

而。面。內。之。族。已。隸。王。會。而。即。序。彼。去。燾。而。一。尊。唯。權。書。於。越。使。諒。格。來。之。甚。勤。固。后。皇。之。所。昇。徒。觀。其。接。享。方。國。卓。犖。篚。筐。萬。里。應。占。夷。壬。洋。洋。表。雙。闕。之。面。勢。帶。長。塹。之。縈。泓。陋。三。百。之。偏。制。識。秦。望。之。所。當。襲。

聖。祖。之。基。構。心。焉。憑。而。未。康。然。猶。天。啓。之。謀。湛。於。神。慮。謂。處。夷。者。腴。居。險。者。據。宅。以。無。外。所。在。成。寓。一。經。一。緯。洵。帝。者。之。是。御。渺。漢。陽。之。舊。壤。尚。作。都。而。啓。輅。覩。真。人。之。來。歸。寤。靈。圖。之。攸。助。相。幽。州。之。

峻塏實崇槩乎易京。跨拒北落連引營平。高闕噴  
岷海。溼錮砢後阻遼塞。左轉大行擅名冀。牧馬之  
所。生收利胡苑。未足比羸。尚氣競節以俠相傾。突  
騎控弦出自武靈。蟠勢飛響以警百貊。爾則不恪  
而有齟齬。貌虎御士底致其罰。役不奄旬已振窮  
髮。殪什他藉。觸輪彌野若掩逸獸。於其穴是則九  
埏之雄區。

高皇之所眠。卜而未遑宅居。爾乃即府成寺。開端  
舊邸。婁氏卷舌。庾才失啓。襲吉參成。重階環紫翼。

翼崇都閭闔所視。

帝曰于巡。爰命監撫。夏楊師師。淵謨丞輔。百工允  
釐。作鎮皇宇。

天子乃駕玉軼。參飛龍雲梢。天矯翠旗。龍莖秘書  
列乘。司隸是從。徒御雜沓。靄靄馮馮。蓋以履泰息  
渝。覆懿爍而馭華戎。出入經乎千里。儻若往來乎  
二宮。於是縉物張羽。赤帟煌煌。成周之壇。十盧千  
名。或乃越古後出。或乃殊號同方。隸以象胥。紛不  
可詳。咸占風而受職。非殫武而後劊。惟茲狄人。亡

胡遺孽。誅而未殊。假之芽苗。攻闕絕塞。負其豕突。  
 天威有虔。遂攬深策。乃設表蒐乘。勒技奮麾。飛廉  
 先路。奔戎御驪。虎士騰踴。羽衛琴離。寧遠寧陽。當  
 其左掖。武安廣恩。以為右甄。謀於中軍。清遠在焉。  
 輕車護重。小號別部。疊載填駢。威容灼爍。訶谷震  
 川。侍從則金楊。方胡從容。帷幄或飛檄。而據鞍時  
 維。仲春。闡野狐。而隕雪。知窮朔之恒寒。邁白石而  
 望斗。纍纍乎南垂。若地徙而嶽旋。白雲偃蹇。青氣  
 所射。激浪隱山。似高實下。信異域之奇詭。

皇指顧而豫。暇至如山。獻黃。餘地。湧靈。湔泌。沛  
 沛。以應。明德。神貺。玉華。水泉。滋殖。值醜。類之。孕墮。  
 固以誕皇。畧而遠襲。登聞。喜壓。幹河。張彌。緝頓。長  
 羅。控飛。練曳。雕戈。陷首。腦掣。銛鉞。鼻名。王繫。韓邪。  
 始因山而置陣。旋鏢擊而差峩。若鵬鷲之搏噬。踣  
 雨血而遂多恣。武旅之怒態。雖獲柴而猶賊虜。則  
 奔仆。渙亂。崖谷。漫濫。跣棄。孳畜。直七。騎而喙竄。  
 天子收其鯨鯢。閔其篤瘥。含貸弗忍。勅旋師而賚  
 有功。爾其黠驚。不可告語。至於再三。武畧乃同斯。

則時勤鸞輅。用底狼胥之封。若夫直率夷而一覆。必干紀之是懲。屬黎鞞之作逆。詭用莒而滅郟。雖卑辭而請吏。實憑海而抗稜。暨遺裔之號闕。惟皇鑒之所旻。臨龍江而禡祭。命上將而受脤。始則東平杖鉞。繼乃定興建號。司馬贊軍。徹侯列校。駢騎奮威。鷹揚迅掃。樓船橫海。萬艘轉漕。下蜀鷁於牂牁。徵交師於林邑。艤艫綠江。截其關閩。整衆鞠誓。瀟瀟泱泱。建旗撞鼓。鷲擊龍翔。回戈滔日。激浪飛雲。水則蛟鼉失穴。陸則鬪象奔營。渠慙面縛。醜

類檻徵。蓋銅柱之標壤。孺蠢蟻據。於是而始平一州。乏主神人。喁喁。

天子有詔許焉。肇建元之益埜。擴五嶺之外隸。洵厥宇之憤衍。夫何遠而勿系。亘四垂而重譯。豈惟南與北而一衛。敷以文命。單於鬼區。球贊繹赴。不待信符。撫之階序。詭瑋皇圖。若乃三元之始。萬壽之辰。御奉天開掖門。樂韶和備方陳。次嚴鼓而引唱。設八案而受賤。其東則有嶠夷。句麗服弁。插羽折風。翩躚長茲符婁。遠遊玉輦。流求三王。顯者中

山。貫。簪。蒙。錦。跣。行。跚。跚。夷。瀛。之。裔。是。曰。日。本。秦。民。  
 所。遷。文。身。魁。首。象。龍。入。淵。三。島。七。道。新。羅。拘。韓。尹。  
 都。好。古。為。吾。邪。焉。其。夥。有。百。莫。不。冠。摩。維。之。族。而。  
 通。箋。其。西。則。有。土。魯。哈。密。交。河。伊。廬。佩。以。金。章。襟。  
 帶。諸。胡。城。郭。之。國。罽。賓。黑。婁。嶺。北。于。闐。默。德。折。都。  
 火。州。鹽。澤。柳。城。砂。塗。天。方。不。霜。馮。露。而。濡。拂。林。八。  
 里。纏。頭。關。耳。鷓。領。鸛。襦。都。護。所。治。欽。關。而。居。四。十。  
 有。餘。區。其。內。則。河。湟。之。種。漸。以。身。毒。熾。盛。闡。化。羗。  
 胡。所。伏。至。如。尚。師。建。法。慶。雲。馥。郁。祥。光。天。花。紛。拏。

倏。煜。青。鸞。白。鶴。不。可。徧。暉。詭。異。儻。恍。化。人。所。惡。非。  
 曰。正。覺。用。麗。其。俗。其。南。則。有。賓。童。崑。崙。靈。山。占。城。  
 氍。毹。衣。玳。履。菱。冠。熒。熒。重。迦。赤。土。扶。南。訶。陵。玉。猿。列。  
 會。綴。以。金。鈴。壓。腰。裝。劍。饒。樂。為。聲。淖。泥。古。里。懸。絡。  
 連。纓。富。沙。錫。蘭。佛。齊。大。食。激。波。交。龍。浮。光。熠。熠。那。  
 孤。黎。代。花。面。編。髮。覆。以。黃。漆。矜。其。麗。色。祖。法。阿。丹。  
 柯。枝。溜。山。經。乎。弱。水。厥。嶼。有。千。蓋。島。居。海。服。重。阻。  
 深。淵。隸。職。方。而。紀。瑞。作。禹。貢。之。外。篇。若。乃。西。南。君。  
 長。麓。川。羅。夷。緬。甸。八。百。染。絲。衣。皮。木。邦。孟。養。仇。殺。

相移車里修。睂銅鏡。蘆吹涓。燹之俗。文網是縻。分  
土割疆。坐以治之。其北則獯鬻。故落龍沙之漠。亦  
有順寧。賢義安樂。齧牙仇詛。分庭列幕。縻以寵王。  
受我羈索。山戎別部。會州之墟。佃牧參立。長者福  
餘。建義之功。天子所命。右折而東。肅慎挹婁。地則  
混同。環以二江。分冀作營。海西建州。賁河渚冬。樺  
室木馬。乘鹿弁熊。大小相錯。維百有八。列壤乎其  
中。爾其土之所生。賓於罔牧。奇祥異珍。紛紛籍籍。  
於獸則周留。明駝單峯。天鹿屠州之貊。蒙貴捕鼠。

猩猩似豹。扶拔彫尾。飛虎茲白。利以服猛。毛摧血  
磔。蘆林文獸。百花紅猴。萬萬被格。先笑後愁。肉端  
溫臍。辟邪神羊。摩伽招賢。獨步雙雙。鳥則綠鳩。白  
雉。赭爾鶴。歧長尾。距山倒挂。香垂日南。鷓羽干闥。  
火離匹鸞。澤特文翰。暉暉黃頭。羗鷲萬里。歸飛決  
明珊瑚。慧鳥能歌。燃丘蠻蠻。樊以玉珂。其魚則銳  
首。挿翦建同。浮胡鯽。醬八鮒。東鮫禺禺。亦有六足  
之龜。大蟹盈車。蠣房竹蛤。鯨睛魴鬚。馬則毋磨。天  
驥。白鵠丹髦。越睽駁。輪瑞鵠。蒲梢滇濱。麒穴花蹄。



肉。變。西。極。乃。俸。決。波。遺。風。果。下。小。步。玉。輦。從。容。木。  
則。必。思。鮮。子。加。蒙。東。墻。尋。支。金。雀。慎。火。勾。芒。扶。南。  
奇。樹。翠。羽。菴。羅。歌。畢。毘。野。鬪。鏤。貝。多。綠。鈎。十。年。息。  
惟。三。華。紫。輕。丹。若。鬱。郁。阿。耶。其。釀。則。龍。膏。馬。乳。扶。  
餘。澄。明。菱。章。鰕。丹。朋。牙。包。稜。安。石。蒲。萄。枸。樓。之。漿。  
赤。土。麒麟。雜。以。紫。瓢。其。布。則。有。桐。花。緝。毳。高。昌。白。  
疊。卑。治。細。勻。竹。葉。絞。節。因。祇。輕。織。被。服。麗。悅。亦。有。  
犀。簾。鎖。袂。魚。油。明。霞。白。毛。紕。罽。入。熟。之。羅。割。齊。重。  
錦。載。以。十。駝。其。鹽。則。有。連。山。五。色。琢。爲。盤。盃。車。師。

刺。密。如。玉。如。朱。水。晶。堅。明。豈。惟。形。殊。其。香。則。有。蘆。  
薈。玉。膏。孤。沙。薰。陸。頰。樹。流。脂。速。來。羅。斛。玻。璃。百。花。  
芬。菲。霧。縠。沙。鹿。凝。露。彭。亨。刻。木。九。州。之。山。黑。紋。十。  
尋。其。株。有。六。朝。使。所。賤。是。斷。是。遷。連。艦。接。舳。其。齒。  
革。刀。貝。器。用。所。資。則。有。龜。筒。靈。羊。陰。牙。霍。速。墮。和。  
羅。犀。海。象。殊。角。魚。鞞。蛟。腋。楛。矢。青。鏃。安。定。之。鎧。吐。  
蕃。之。銅。礪。石。剖。鐵。淬。劍。作。鏃。其。寶。利。珍。惟。則。有。金。  
星。赤。玉。紫。貝。素。泥。朝。霞。江。歷。黃。支。火。齊。石。榴。米。腦。  
空。青。葳。蕤。車。渠。織。理。縹。輕。披。離。雅。姑。玉。璞。海。樹。琉。

璃綠河蘊輝浮以夜榮寶珠如意照世光  
 明女蠻雙龍將飛未翔翰海明幾流沙之  
 鏞自遠而屈列乎尚方博望之所未覲  
 壯武之所難徵若乃遐陬荒域阻絕之  
 澗未名之山玉輅所臨灑以宸翰禽胡  
 蒼嶺飲馬清泉日月維明立石勒玄西  
 海長寧東則壽安環之作鎮用表其巔  
 碑板岌業增榮益觀爰命方岳領於祠  
 官輝皇四裔封圉莫干至如雍序斯啓  
 秘文載揚朱藍遷素壬昧薦聲乃有名  
 王胃子高才之生來朝闕下濟濟蹒蹒  
 入虎闈而

讓齒舍講堂而橫經曙更老之玉杖瞻  
 師氏之影纓慕廉孝之重席列通禮於  
 東庠及乎三推耕籍日月臨鬢左右階  
 序束髮冠絃天顧惟穆嘉其向方迺冬  
 縑而夏絺出內府之所藏蓋哀郟子之  
 知禮匪直狼謳之四章於是伯趙司律  
 節惟天中皇帝朝於行在屬萬幾之舒  
 宴樂景物之馮融擇東苑之暇敵命司  
 馬而治戎徵跼踟之絕藝觀稽柳之遺  
 風總八校之駢田迺諸屯之焚森豈維  
 儲兩爰有皇孫從官疊沓呈引紛綸震  
 單于於

平樂驅胡人於長林。嗤習伎於玄武。陋行樂於寶  
津。直觀其分朋置對。角勝專場。左維廣平。右則寧  
陽。曹耦凌遽。縱橫頽唐。子侯之屬。兩兩相當。散誕  
振頓。森拉淹洋。進退要遮。捷繖標輕。激墮趨伎。觀  
者懾睭。過門入孟。妙戲莫名。爾乃仿佯乎柳徑。旋  
憇乎射堂。抱九合矯三成。比材武。繩朱紉。司功申  
誠。舉旌按節。徹侯宿衛。取次就列。陽元克數。紀昌  
檢括。挽強矜獲。如拒斯脫。懸帖中空。參連不蹶。洵  
左支而右屈。旋穿葉而貫札。至於盡陳。寵之三徽。

駭宜都之十發。爰命處而應心。觀天笑而胥悅。此  
則妙盡乎文武。實乃得自英哲。偉神藝之夙茂。著  
皇服之有赫。肅九有而同瞻。咸駢踊乎斯役。於是  
醴筵既設。舐戲乃陳。火州潑水。鋤筒靈淋。壓陽相  
射。激波爲涔。鱗鱗之魚。來遊廣廷。吐霧飛激。化爲  
黃靈。颯蛻炫熠。偃仰若神。尋樞騁足。實惟忽魯。植  
木引甦。人立而拊。倒突傾欹。將墮復舉。依拍按衍。  
誕曼鼓舞。狀若翅飛。捷不可禦。翩翻竿末。窮態極  
數。乃有榜葛漫樂。狎虎而嬉。戴勝抹額。象乎天威。

探喉掣尾。揮霍踦踞。礚礚跳躍。邈若難羈。始則兩  
解。後乃搏鬚。猛毅遂巡。彌耳戚施。豈如黃公術敗。  
單子裂毗。又有中山奪棹。金華朱鬢。西域藏鴿。射  
生朔朔。履火高絙。迭引間作。參差詭變。無有垠罅。  
於是在燕忘疲。舉觴命爵。割鮮解醢。醜顏胥渥。既  
醉言歸。工歌撤樂。乃出少府之麗綺。賜中厩之名  
駒。惟醲澤之自天。畢華夷而咸濡。方將弭節回旆。  
怡神乎穆清。慮黔首之慄慄。屬群公之明明。時巡  
覽乎畿甸。解驂駟而避耕。省疾苦而息愆。散公儲

而振坻法。已構於畫一。德罔缺而不營。歌垂拱於  
虞世。俾作艾而用康。沾浸布濩。大覆方內。外勤勤  
懇懇。亦又有年。爾乃邊郡晏閉。被宬放谷。刑無殊  
斷。豈惟歸獄。山有流金。庾多紅粟。天符殫見。異瑞  
相屬。貢苞著課。不謀同臻。自古之所詭特。上每抑  
而不紀。遠邇憤懣。懼盛德之儀泯。而不稽。於是宗  
伯臣震。進曰。益聞德織。而舉博者。謂之越。符顯而  
迹闕者。謂之愆。是以建號受命。莫不用事岱宗。退  
非所讓。進非所據。

陛下統天揚寓執紀靖綏隆烈飈霧靡有遐逝莫  
 不濯涌龐鴻爰邇乎一軌加以修尾白儀賓於虞  
 腹黃應金臻於藪翠龍汗髀服於皂景福純角馴  
 於囿野蠲吐靈自然之絲薦廟而奉嘗玄雲五采  
 非烟紛氤凝嶽而慶章大巖之山異應斯答將望  
 幸而振聲若此之倫般齋隱軫視萌之書所未究  
 燦  
 陛下登茲震煇考非常之驗宜發明詔徵博議建  
 中和昭備至紹黃虞之曠典詳儒者之允儀依隱

不發寂寥靡紀恐非聖帝之時也

上覽其章而弗稱乃揚至道以迪之且夫天示闡  
 質神用無言故祇承惟德厥孚乃貞若推引鉤裂  
 底設誕迂以夸誣於永世則上聖所弗錄也何事  
 泥譎秘之文攻玄默之石哉於是群臣恍然以諭  
 辨夷吾之設事嗤秦漢之端辭放伏締之苞紀著  
 尚書之正術斯則承舛襲訛縱史蒙怪之說千有  
 餘祀而乃表覆於昭代故曰惟聖議禮用革非度  
 厥有自也不勝明德之休懿乃系以頌曰

黎人首夏。圯或干之。獮殘蘊穢。惟王之威。高協景  
 敘。文駿厥規。時我  
 文祖武烈。載揚用嗣。於仁底緒。絕綱咄咄。禘禘既  
 輯。且康總一縣。寓罔不愷。懌天謀是。眡暨朔奠宅。  
 儷以作明。光光有赫。乃命胥人。以聽其治。占度九  
 譯。薦享振儀。紛紜紆。散飾化以綏。姑他之北。損子  
 以南聲。猷殫訖。禹服所。無有迭。邊敢不祗。咸於  
 惟皇畧。亘自曩。載炎劉之。胤亦營。蒲類雖則。犁庭  
 作洛。惟逮。惟彼周成。同軌貢矢。亦既纘服。我業大

起桓桓。休顯於古。有譱時。巡於甸。幹軒式和。農人  
 樂胥。荷耒而歌。岐枝纍穗。離離君車。承天之祉。厥  
 瑞云徵。三脊比鱗。異代而興。博儀可章。於何不登。  
 殷中昭定。石閭之碑。豈伊不懷。究以正辭。大公乃  
 建。昭前之爲。匪惟克讓。帝嘉茂勤。合郊配時。靈盼  
 紛熅。有肅其紀。貽我子孫。

武皇南巡賦 并序

顧開雍

臣江國下士。草食皇世。將及乎壯年矣。自以被  
 服儒流。含達體義。方於古事。少契典馥。而生值無

諱猥為少賤。託意艾蒹。至于緣事陳列。發摠固陋。宣紹盛冊。諫而無位。未能盡信。臣以是難之。又臣涉道寡小。胷氣未平。恒恐黥淺無所表見。退而悼懼。思網羅舊聞。考衷得失。撰次一家之書。而時月淺薄。當世之指。牽于所慮。又逞逞撓敗。不能專思。不得已。如古惻隱之義。作歌諷諭。使聞者足以戒。世又以臣懷文刺譏。近似怨悖。不得比數。誼士之列。甚者以為通其狂惑。庶幾深知之。臣之所不出也。因是博述。

聖典作賦一篇。補史臣所闕。先是同郡臣孚遠。作賓遠。臣子龍作東郊。故以敷暢威禮。揚答佑助。明興以來。雅頌之朋。潤色之事。歷觀二臣而已。臣開雍不材。經術鮮少。亞步夸脩。湛思先朝紀載。以謂嗟乎正德之季。何其覃邁也。自宗室不靖。南土流扇。跨躡州邑者。以十數。殺皇帝戒六師。下江南。不頓一矢。罪人斯得。稱靈威哉。蓋命將成功。若斯之速也。當是時。同律寒燠。經營旁午。閱十四月而始畢。然所過都會。輒有

較乘。及至秩山川。享宗廟。大禮略具。考之形勢。如彼稽之。度數如此。即未嘗登衡。纂浮湖湘。有缺儀乎。要使執筆之臣。鹵簿草創。號曰巡狩。不得炳焉。與三代同風。欲以脩文章。訓後人。臣又傷之矣。夫穆王之御。周史紀其恤民。漢帝之游。相如終之。節儉先士。盛藻於今。爲烈。臣皇竦不敢。蘊畜憤懣。謹昭敘懿雅。以附于二臣。忠孝之指。其辭曰。皇帝十有四載。神服休佑。德茂存乎七世。次玄枵。以執樞宅。箕文而列域。拔賦江荆。羅貢交廣。四土

覃格。書文威暢。八風佯溢。莫弗薄衍者焉。聖上安居。浩大誼。不忘危。川蜀殄梗。畿南翦芟。建萬乘于九塞。臨河西而履機。朔風合轂。冬春曠規。關坂表逸。邊圖創思。進勞民之弘慮。陋盤游之細規。崇逸替于拱挹。博王道之將歸。故以帝轍未窮于南宙。王駟尚節乎西垂者矣。乃有天潢小水。體殫明德。剔離人道。天命不貽。右阻鄱陽。左引甌徼。膺天斗之盛文。託乘輿而稱號。揚亡徒。召流客。犯星渚。跨大澤。訾巡游。號暨國。山谷徒駭。靈土風慙。



煇煇煇煇。鑄鑄籍籍。蹈踈九支。蕩潏淮汨。霧堙雲  
 區。三條迺墀。躡鞞鞞于上流。吹萬里而一息。遂乃  
 荒忽鍾龍。湛娛王氣。黑鷁悉充。長鼉聳鬪。容裔咽  
 流。澆澆卷眦。鑿沔池為門戶。收陵溼而如響。爰居  
 靡寧。厚雷聞歐。伊天基之所始。何陵遽與盼睇於  
 是。將吏怨毒。武人酖顏。兵革概搯。擊技漩環。謨討  
 孫墨。幾秘淵天。羽檄雲興。干郡國。赤文星布。陲山  
 而填瑤。東呀浩漾。而下穿西。紛絡于泅灑。頽網而  
 銛弦。值鋒交衢。觸輻並路。警張法于捌格。批伉而

不。落。一。翮。師。臣。伎。憐。以。好。殺。恐。焚。林。竭。澤。而。震。驚。  
 乎。園。圓。天。子。於。是。芒。然。改。容。振。懷。諸。夏。滌。盪。峻。岨。平。輯。傾。  
 簸。踏。大。道。于。昭。晰。蠲。士。民。之。細。罅。壹。長。策。以。制。海。  
 內。省。風。俗。而。寓。考。過。將。以。述。巡。狩。之。曠。儀。遂。經。營。  
 隱。賑。而。知。外。爾。乃。禮。官。出。儒。臣。興。陳。典。蘊。穆。神。靈。  
 敷。古。事。脩。圖。經。肆。類。上。帝。展。文。六。陵。定。國。攸。攝。  
 新。寧。是。蒸。皇。幸。齋。宮。生。弁。錯。星。革。輅。舒。御。璧。琮。流。  
 熒。旂。駱。輝。素。六。軍。闐。迅。沈。狸。薦。煥。駟。辜。繁。登。芬。芳。

浹。歛。于。雷。雨。六。靈。降。牙。于。駟。精。天。物。響。應。而。御。壇。  
 祇。光。肅。融。以。照。聆。較。人。方。有。事。于。玄。駒。封。吏。已。設。  
 抵。干。廣。埤。至。若。歲。執。屠。維。聲。中。無。射。明。庶。洞。闢。三。  
 區。靜。莫。神。獸。禺。禺。羣。景。燁。燁。撞。萬。石。之。滛。竑。立。九。  
 旂。之。燁。逖。躡。招。搖。使。金。行。旦。角。木。乎。總。室。詔。位。答。  
 陽。懸。牙。樹。奭。彤。蓋。張。黶。金。盤。承。檝。綵。輿。煒。漆。而。載。  
 庭。罟。愚。覆。竿。而。立。帟。班。行。列。于。別。殿。啓。承。天。以。颺。  
 飄。中。和。通。噐。以。會。材。大。樂。當。午。而。嘉。懌。廬。陛。戴。鵠。  
 以。嘈。嘯。關。戟。旁。鬼。而。駢。飭。警。蹕。治。塗。以。削。礫。鹵。簿。

上。蠱。乎。軫。翼。千。官。序。仗。于。奉。天。之。階。卿。少。稽。首。乎。  
 東。闕。之。棘。法。軒。雷。起。而。神。雨。羽。鈴。瓊。瓏。而。效。職。翠。  
 華。琴。紛。于。丹。螭。鳳。幄。邇。徊。而。曳。爛。于。宮。妓。若。廼。九。  
 門。鎖。鑰。十。營。雲。翔。東。轄。薊。秋。北。築。宣。牆。機。宜。整。暇。  
 征。師。用。剛。堂。堂。業。業。保。作。廻。唐。雨。師。泛。洒。豐。隆。扶。  
 驤。周。撩。案。衍。膠。轄。低。印。馭。塵。煩。鶯。酷。烈。蒼。茫。飛。帛。  
 蒙。茸。捲。鍔。頽。搪。煬。魑。助。而。走。陸。離。紛。傑。佈。其。不。可。  
 殫。詳。其。扈。從。則。征。南。蕩。寇。後。軍。平。虜。涇。陽。贊。畫。安。  
 邊。行。部。金。吾。威。明。俞。騎。騁。路。三。繞。行。宮。前。驅。是。播。

武庫累息。寒產幡幟。其侍臣。則二輔膺密。司馬執  
 龔鴻臚。發音大農。和同承明。奉簡飛文。矇矓抑揚。  
 山川嫩藻。在中拾遺。直指左右。熊熊袞衣。儻朗諫  
 草內冲。其燕御。則燕都明廓。不操南音。目帝明光。  
 焮然流晨。鱗次行殿。昭陽一人。其奔走。則提督聯  
 肩。謁者輻奏。繡領繚繞。旗較頓袞。調鳳眉格。鞬弓  
 引。穀名協。國姓威本。勳舊青龍。蚬蟻騰踔。其右  
 惚惚尊尊。睥睨馳驟。其軍容。則朱火飛爛。握機爭  
 陸鈎。陳伏芒天。倍沫鏃繕。怒導其前五旗。覆其輻

鳴。鸞稍其埃。蒼螭紆其歎。突城陴而為梁。卷翳霧  
 而成幄。朝旖旎于天門。夕敦圉于垓麓。太常黨天  
 以虧景華。蚤屏星而剡服。郅偈值。眈參。猗枝拘搏  
 樽錄錄。蘭錡疊發。綢繆澤約。槎櫛連比。以為威屬。  
 箴縷繚繚。攸擗。呢。齶之。卻。押。巖。厂。而。環。崇。鞠。如。扉。  
 如。慮。不。可。支。擘。乃。三。十。里。而。一。宿。爾。乃。劃。桑。乾。鑿  
 河門。雨工出。虬龍遁。御望舒。驅流零。浩哉乎斯橋。  
 之為狀也。偃寒。窄愕。憑隆。迭踈。天弁地。吸。桔。桀。轟  
 麟。俯仰。洞越。屈然。以弁帳。若天外。漫若羅晨。其窈

窕也。閭藹狎獵。疑駘盪乎網罟。其虜豁也。類龍首  
 嶢闕。除風雨而挺華鸛。撥爾而均怒。則猛虞耽耽。  
 据萬石以隣眴。其奄伏也。若臥其蜿。綖也。若申如  
 背負重而飛。如突肩而暴鬪。如帝降息壤而壹鬱  
 乎西北之堊。其在下也。洶洶澶澶。逢逢礧礧。澎泚  
 齋溱。淑復迴瀝。湔湔焮悍。側射吐壘。激冽穹埼。撓  
 汨晏。嗚跳沫騰擁。豁呀批磧。黃流奔。磅礪晝昏。  
 鬻滴乎二邑之際。泛濫乎京臯之漭。發原乎渾  
 流之口。注瀉乎決漭之鄰。標砥柱于異態。日月遷

損而猶鋸乎其齧。遂乃躡駘磴。磴瀟率紛杳。百神  
 屏息。七萃齊迨。六轡在握。玉勒斯殫。下臨無地。驕  
 揭凌攝。北顧天山。南睽閭闔。西倚太行。東憑海濱。  
 據山河之險德。苞幽都之唐烈。役周王使扶輿。並  
 虞巡而襄軸。目不停瞬。足不及駢。挾策輕趨。騁帶  
 風颯。振落櫛箭。碾轢忽轡。百馬同服。縱體迅雪。號  
 今無聲。數里塵合。絕磴駭作。震于覆壓。石梁為之  
 磧礫。波臣為之灤歛。流光儵爚。崇庫疊嶭。既而徐  
 下夷坦。威容克隆。

天子遺珮乃在河漵下大索之令召濟河之工方  
 舟蔽濤連綱結纜入馮夷之宅伐鮫人之宮攻琴  
 高于層輿梭河伯于湍漚天吳靜其不發陽侯避  
 而隨泚霍繹窮涉彌十日其不見成功回轡夜鞅  
 晨舸繼從苻信不至伊才人之守宮徵金鏤推裕  
 輅遂歲蕤而南下于大東于是疏鏤啓路驩駛載  
 駢屈峴范陽敦葆翠微念阪阿之邁伐握督亢之  
 倭遲探黃圖于邈紀追雲官之徇齊喏六相以鴻  
 泰求崆峒而駕之鳴獨鹿飲琉璃擁樓桑眺燕隘

沓臺陂陸范支左陳宮背平坡郊千里而一捫攬  
 諸侯之來禱恢胎寥豁沃野祈祈神景耀原肅雖  
 安趨爾其飛髻樊輿蓂龍清苑改馭保州窮維蒲  
 岍城雉高明土會殷灌枕奠天邑填控稍甸冀趙  
 盪胷燕代雷洊二關當神州之脊滹沱包天府之  
 衍大茂嶠峗于罕綱落翮蒞蒞以屏翰制六合為  
 振古之藩籬視下則牢籠八都而澶曼於是乎神  
 鉦既徹玉軼斯望稽風築宮考都高陽臣卜其夜  
 君明于堂華鏞夕具射覆行觴大禮易簡威儀未

央行庖。皤皤温。耐灑灑。金石要妙。于羽徜徉。天露之所湛逸。洛矣之所翱翔。方牧陳辭。以上壽使者。豐義而稱觥。帝曰。汝苻茲未可長。廻遑若失。既醉且彊。師無留處。國容有常。若其復道。九河順紉。漳渤碣石。故宮東光。舊室海上。迂恠之變。三齊游說之匹。亭亭云云。金檢玉曆。泰山肅然。八九疏佗。洙泗斷斷。儒生座座。曠升中之歡。康謝封禪之遙。秩懷三古之謙。聖正秦漢之繆。失矚明堂而未融。高煙闕陳乎太乙。幘帷絕濡于扶桑。海僮不至于

望秩。恫寒裳之汰。麥節物力于安謐。則乃弭節任國。抑旆須句。弔問災青。解助伊憂。小東方皇。收卹是。揀平原千乘。中都重丘。武城以北。聊攝姑尤。高唐鄩子。小邾及鄆。捐除繁苛。釋滌逋愁。下蠲租之明詔。勤發粟之軒輶。減縣官之供億。罷朝覲之馳駟。恫稼穡之既瘍。復其身而自我人。鳩於是。榜人齊。一樓船容挹。銅墨千官。端擗洲渚。導會通之駛。瀾指河濟之所聚。偪峯浮籥其身。萬里剽疾。剛厲翁習。決漉崿變。殊物混并。丘階賑贍。六合絃蕩。方

宇沈澹怒立。憑陵鉏鋸。滇淠函轄。莫割其距。晦冥  
 異狀。溲淚連柱。藻藻盡盡。燾昇肆俛。慌歛吞布地。  
 中而起。岬岫獺豸。滄滄剝窮。齧天麗神物。形鮮常處。  
 費悒技登于吳楚。茨京攢柯而繫扼。將軍負薪于  
 栢冬。帑錢歲勞于賜璽。纒侯尉而接咽。喉襟暨朔。  
 而寄胸膺。稜威商啟于揚舩。潞瀨震疊于覃御。是  
 以蒸撼青兗。蕃廡徐揚。澄播淖溺。演括滉泱。挂明  
 帆於水區。方舩皇于愴涼。命壺涿于蠱族。張水嬉  
 以為康其為江也。漏湍乍興疾颺。來王叛衍盤躑。

吮聒儻佯。下交淮泗。經帶汶陽。漑注魯域。滌邈豫  
 邦。日月于是乎載。葭朝景若乘于扶桑。限以金堤。  
 築以廣唐。混茫益益。湫流澗瀑。時庵霽于其旁。湄  
 草則蔣菰披離。蒹葭似析藻茆。竦體紫蒲。肝盱芊  
 眠檀樂而未可成行。水禽則鳩鵲鴻鵠。鷓鴣鸚鵡。  
 候鷹整翮。鶯鶴止翔。鷄鷓駭革。鷗鷺避光。鷓茲之  
 屬。鷺鷗之良。一生八九。而瑩膏可以銛銜。蟻蚌甲  
 乎繡趾。文翼和平。圓吭寒燠。稟為去來。或別生叫  
 嘯。而異啄同翔。爾乃蕭鼓鳴擢。歌發淫魚。出江鳥

沒環舸平巨艦。枯舳鱸同編。鯨蔚鱗艘。戢戢薄撥。  
 施九罟。下截殺彌弘。綱接織罟。傾重圍而張羅。縱  
 機緒于丙穴。陰蓋莽罟以蔽霄。礮鑿射波而案拔。  
 香餌剽汎以留澤。伏鉤縱橫而莫越。詹河索其絕。  
 能任公逞于嶺。狝文身裸民。洵河赫友混。潮汐以為  
 度。攬鱗介之慙慙。於是儼躍千名。蹒跚萬族。蝸蝓  
 逸景。螭夔巡項。長鯨踴呷。脩鯢脫撼。彩鯨羣飛。鯢  
 鯢時垓。亦有擁劔。其利在腹。泝洄泮浪。鯢鯢相續。  
 龜鼉鼉龜。應月舒胸。吞鱸吐源。噏川陷谷。濊今滿

兮春秋溥化而殄。以望麗是日也。霆電大作。暄冥  
 霏靈。山川糾結。慘黯田連。玄雲扇昧。不周增齟。形  
 容悲號。杳窳迷紺。紛汎騰沓。熬波刺天。魄魄改貌。  
 墳隰停瞑。斂人下守。得惟物焉。赤飈照而如龍。狀  
 踈踈以屢躑。趨姿淋離。腥鱗攘襪。睥目耀燭。豐爪  
 扞撕。未角而聳。火物焚炎。桀敖料戾。繚繞回捲。鏌  
 鄒傷其黑臆。疾筈中于目。顛擘束乎虎落之界。矜  
 觸乎青霓之縲。黝靄凝滯而不從。洪臙搗散而徐  
 平。繫尋丈以尺澤。何異乎蠕膈而蜿蜒。方夫岸頭



舉柴樓船貢績上絕遺鳥下無挺績如山如河駢  
 衍百億狀膺圖牒態滄芥鉞西海亡禽東谷落翼  
 醜饗吏士霜鱗蕩滌奇味疊錯衆懷醴醑情感于  
 中拜手如恆獻以金錢恭荅飽醪一嚙一毛如漿  
 斯益觀漁從容此樂何極於是三方銅虎之臣六  
 郡襟帶之守曹濮車賄之儀江淮封積之輶治馳  
 道于攸同平谿谷以牝牡百里蕩直射陽爲首占  
 星往來未明奔走韎韐葦裳芾舄先後邈迤廣原  
 徒躡寒阜貴賤義均文武並耦草儀霍靡之晨迎

伏金斗之右清塵在前屬輦在極瓊釵道周罕析  
 其赴鳴騶肅隊屏御羣醜安步郭門雍容純綬舍  
 領軍之府上萬年之壽輿海隅之總要肆縝紛于  
 行狩爾乃戢舟邗上觀濤廣陵氣息坦灑周覽重  
 輕存隋帝之故苑經吳王之舊城執上冊以紹古  
 追小雅于前玄觀夫封疆之內邑里背望鄜肆鱗  
 起貨殖騰涌豐訾貴待游俠輕詵車服光侈巷馬  
 一色晏居競履閭讌豪落闐噎門阡浮白無筭博  
 騁妙技大賈富商娛樂而已家矜鹽池人薄宦仕

封君之都侯氏之煮輸傳塞下殷保國鄙聲茂相  
 黨往來老灰江都之埜寔維揚州琨瑤貢器篠簜  
 布抽陸海隩宅夷罕上區黻黼之所滋液芒旣之  
 所歛求倚角江介之陰絙柱天塹之汜滄海支其  
 鉅遼湖淮壓其上郵江滢渚其戶限廬舒維其列  
 游吟啜交媵阡陌兼噪嘉種懷新穰秬是侯平疇  
 煥炳膏腴繆綢土深產肥氣溼雲浮溪衢滌滌卉  
 木藪蓀茂族舊國繁英雜糅夏曄冬榮覲縷毗劉  
 於是仲冬之月萬物解節黃宮權輿玄冥收納剛

蟲搏擊寒水互烈羽毛氄温封條芽結日御北陸  
 陰角解甲天道用罰為仁聖人殫誅成灋大講武  
 以順時詔蒐較而圍合柞木攻今虞人待獵澤衡  
 下藪弋羅上列營表脩綴燿火燁接軍侯即部正  
 羨分帀殿甘泉以為司馬亘蜀岡以為檻柙椽杙  
 崑崙之軸期會九龍之匿邪界巨陂南踐湖溇蒙  
 看選鋒交逵隘險者蓋數萬而接然後沛歷天之  
 單置竟埜之繼趨梢星之巢躡穿泉之穴杜側迄  
 斷通涉塞倖蹊窳竇攝燔茸蒙蹋塊陝人淫裔威

偏。懾。鳥。攔。窟。獸。羈。樾。上。凌。倨。下。瞿。惰。地。維。振。揚。塵。  
 合。九。孔。堵。墻。六。罕。跼。跼。於。是。乎。玄。弋。啓。乘。重。光。承。  
 辰。四。騏。伋。揭。金。較。倚。斨。千。輪。渙。轆。屯。騎。比。振。大。丙。  
 迭。先。飛。廉。以。斌。經。平。山。之。堂。過。七。峰。之。門。揉。蔥。瓊。  
 之。田。踐。蘭。唐。之。濱。羨。漫。十。百。餘。里。神。光。倏。其。蕭。條。  
 而。僚。獵。乎。青。旻。天。子。親。執。路。鼓。乃。下。大。綏。虎。賁。赫。  
 怒。中。軍。委。虜。擐。冑。之。士。期。門。伏。飛。羽。林。衛。士。良。家。  
 孤。兒。擗。弧。指。顧。喑。啞。玃。狻。殼。騎。熠。煌。獠。徒。輕。婁。狻。  
 臂。射。疏。投。石。蹲。踈。徒。手。獷。狻。露。裼。醜。已。齟。齒。抗。目。

當。猛。而。嘻。跋。扈。長。莽。驤。佻。幽。涯。輶。輶。摧。什。殺。及。拉。  
 期。牙。機。踢。蹴。置。罽。綱。維。達。脰。決。腹。中。膘。入。黃。風。毛。  
 陰。沙。灑。血。塗。靡。逸。趾。觸。刃。衝。獠。墮。翳。角。距。挫。爛。筋。  
 肌。鏘。錡。傾。卵。殪。殞。精。漸。魄。離。曾。朝。暎。未。中。而。已。蹂。  
 躪。十。七。八。而。有。奇。爾。乃。遷。圍。徙。陳。四。面。合。攬。刮。歛。  
 希。間。億。弩。齊。鑠。巨。徙。勃。轉。魁。魑。踣。砮。山。麋。投。驀。野。  
 擗。暴。殼。熊。羆。碎。聲。于。破。窟。腰。裏。僵。蹄。于。膠。霏。般。首。  
 遺。光。蹶。蹶。踳。踳。而。遽。噉。紕。鞞。班。文。石。鐘。音。中。乎。東。  
 方。之。錄。又。有。金。題。白。額。玄。錢。徒。角。一。輻。雙。格。三。五。

薄索軼材騫武窮鬪囂躩近之則殲遠之則縛極  
 負慘遐有產拊獲既乃開柵解張控弦釋服命處  
 後發選強飲鏃乘輕飛下黃鵠追江鴻翻白鶴出  
 宇宙墜我蓼滿羽覆空紅繒繚矚日暮倦虬飄厲  
 亂逐遙原嶮愀石汰戚踏於是乎揚節而作據虛  
 冥之域觀大夫之戮力陳步騎之輗轆士還驟馬  
 留躅韓盧令弱縈蔽下循草場有畧海谷臣曰神  
 周餘怒尚宓搜鷹犬于海陵望羅浮而下鞮蒐三  
 日夜山瘠水蹙麇兔支離悉率以臚遂召岳乎西

闔降集乎城曲偃息雷塘之陰游戲二十四橋之  
 濮飲烽徹門芳醴沐浴康樂吹泳歌頌齊邀爾乃  
 奏淮南進吳女適歡館恣取與颺要紹之奇麗姱  
 明風之齒齠含南國之脩態盼悠妙之多緒體輕  
 神虛清揚淵箸嫺都綽約便姍灼舉陋阿錫之髣  
 髴黥嬋娟以朱履長歛徐興短謳抑沮奮發異弄  
 中堂注漉越楚同心燕荆別御目微睇以昭藐遲  
 君王而不語颯圃續振觴筭無序  
 天子于坐太息茫漠冲中無為命罷讌而櫟啟焉

將以陶閭閻而忤衆會。非究欲而眈容與。乃爾駕樓航于范光。設浮梁于胥浦。闢軒幌于石帆。采葑蕒于橫圃。涉江豐融。視師射渚。布渡青山。蟬聯液滷。名艘集鱗。旌緝艦。斷潮長。颺旋儻。繳朝宗而戢香起。復道于浪陽。潛宮翁流。潢瀆受部。砰宕截擊波。盖履土錦。纜橫川危。檣曖午飛。狹决皆歸。髻旁作青雀。抵洲蟠蜿。抱嶼導纜。磯下練組。江崕颺颺。以鋪洪光。瞳矐而曉。昡弗震弗業。龍關之滸。若夫成國典備。鎮遠協營。靈根神偉。世本郭

增額

高聖之鏡。歷寤天心。以攬英。初六代之荒屯。會八葉而蜚榮。弘塗階其卓。舉肆疆幹以維寧。于焉御東華之掖。燎謹身之廷。昕司烜以霏微。禮九賓于閑闕。排玉戶以靚深。列金鋪而綴靈。蕭斧粹以下麾。朱干煒而飄英。隆厦整彘。南端中程。峭殿崇闕。丹題畫甍。虎闈温室。左城右平。高構層表。巍峩嶺岳。抗中天以除燥。濕準陰陽。以切觚稜。禁微鳥棲。重樂辰興。神明峙乎鬱起。悟瑤光與玉繩。百僚虛

已羣姓聽聆金蜩充墀三揖載升絢績交棘駢鎔  
 門。塤。冠。通。天。之。冠。垂。純。朱。之。統。仗。東。廂。之。劉。要。干。  
 將。之。瑩。穆。穆。義。殫。皇。皇。禮。成。四。五。方。屬。率。繇。儀。型。  
 于。是。孝。達。天。地。敬。動。山。陵。翠。蓋。承。祀。鸞。終。紆。清。  
 萬。國。懽。心。溥。將。彭。彭。於。赫。哉。燭。龍。之。神。鍾。山。之。紀。  
 扶。輿。開。右。規。萬。禩。而。作。闕。嶄。巖。隱。天。窮。阜。跨。埭。晞。  
 靈。谷。賊。陽。雉。盤。礴。委。積。詠。謠。罔。諦。松。栢。桐。梓。則。菁。  
 蔥。拂。磻。嶠。嶠。稠。競。擢。本。千。常。星。河。近。而。晝。睇。其。坐。  
 有。虎。豹。蛇。龍。翬。翟。文。章。神。奇。幽。帶。後。山。之。麋。綠。厓。

彌。臯。駮。駮。偏。跛。儻。榻。數。十。餘。崗。淑。靈。龐。答。坤。珍。森。  
 麗。至。其。園。塹。潤。黠。金。椎。遏。筵。直。道。中。立。碣。石。雙。哲。  
 鈴。鏞。躋。乎。中。唐。攘。櫺。巡。乎。榮。陛。玄。宮。黝。黝。豐。寢。  
 秘。秘。大。雀。踈。阿。矯。獸。跂。鏘。丹。榱。枌。撩。漏。雷。決。菴。混。  
 太。清。以。成。形。割。窈。冥。而。下。睪。銅。泉。百。尺。亘。基。亢。墜。  
 環。以。陰。祇。蔭。以。神。霽。椒。蕭。濛。灑。百。物。降。嗜。夫。然。後。  
 宗。祀。上。帝。配。天。尊。祖。歌。大。定。之。闕。晉。平。胡。之。舞。  
 主。七。鬯。于。阼。階。陳。刀。球。于。兩。序。懋。赤。氏。之。朱。光。稱。  
 元。祀。之。禋。祜。俎。豆。莘。莘。以。允。思。磬。筦。闐。闐。以。宗。下。

顧蒸嘗與禴祠鬱

皇心于在戶爾乃禘大報德皇醉止墀址饋

食四廟筐篚倣周人之昭穆大合樂而盛秬東向

曰熙南向惟懿歡娛孔明仁聖樂只儀末

靜嘉追養似嗣卜福穰穰萬年孫子作肆夏于堂

上奏送神于門時禋燎煬壇恭攀文梓畢日逍遙

餘歆封時及至土膏渙農祥殷太史上迎春之令

天田修三推之文馭蒼鑿以保介力耘耔于原營

戲巧雜作奇技競鬪東門之陽峨峨紳紳士女姣

服翹遙整篋過乎溱洧之濱臻彙秦淮呶啞天津

渡桃葉之溪口巷長干之昏姻長幼齊出卑尊未

分婆婆穀旦雅鄭昏昏大風起兮四民荒魂遂乃

懸象魏以賜脯嘉更始而維新

皇御奉先康布大號將仗鉞乎於越驅信臣而迅

埽洪上討之未加傳露布于七道徒跣流離繫俘

天廟革茲鳴音憫其洒削爾則不恭竇我金葉申

章下理釁鼓其慄導逆同辭陷黨矜适元惡除破

用光大于下吏而無滋芽茁及彼健酷虎士槍選

毅臣鷹揚靡跂。逞天威信。謀縱角于殘穴。觀豨突  
 之已頽。傷其盛。黷爰策勲乎守仁。飲至如歸。不勞而  
 即序。遷義而踈。跂農若疇。以服稷商。垂橐而入。訾  
 官中度。以守纏士。敦書而說詩。牒牒率土。莫不篤  
 淵奉法。望風嚮德。欽神器而迪倫。彝乃至方。岳引  
 領五精。懸嶷殊慶。湛害隨徽。熾之所之。僉曰上瑞  
 著白。昭夏偉效。文武道喆。醴醴粹宅。夷臨幸高深所

服翹遙。整躉過乎溱洧之濱。臻櫟秦淮。呶啞天津。  
 渡桃葉之溪。口巷長干之昏。姻長幼齊出。卑尊未  
 分。婆娑穀旦。雅鄭喑喑。大風起兮。四民荒魂。遂乃  
 懸象魏以賜脯。嘉更始而維新。皇御奉先。康布大號。  
 將仗鉞乎於越。驅信臣而迅。埽洪上討之。未加傳露。布于七道。徒跣流離。繫倅  
 天廟。革茲鳴音。憫其洒削。爾則不恭。瀆我金葉。申  
 章下理。釁鼓其慄。導逆同辭。陷黨矜适。元惡除破。  
 用光大于下吏。而無滋芽茁。及彼健酷。虎士槍選



毅臣鷹揚靡跂。逞天威信。謀縱角于殘穴。觀豨突  
 之已頽。憂其善也。同精。圖黨。或示。惡。創。  
 天子傷其盛。黷爰策勳乎守仁。飲至如歸。不勞而  
 鎮。厥維皇哉。恒懷定處。于疆于理。臥臥衽席。懷懋  
 即序。遷義而跼。跂農若疇。以服稷商。垂橐而入。訾  
 官中度。以守纏。士敦書而說詩。牒牒率土。莫不篤  
 淵奉法。望風嚮德。欽神器而迪倫。爨乃至方岳。引  
 領五精。懸嶷殊慶。湛害隨徽。熾之所之。僉曰上瑞  
 著白。昭夏偉效。文武道喆。醴醴粹宅。夷臨幸高深所。

在和治尚老氏之深。閉懼中外之構。疑  
 天子心。卹焉不愉。阻群計。秉獨是詔。天下寒暑告  
 變。暴露師衆。此太勞苦。非朕意。命班軍而還。都  
 焉。于是錫命耆老。脂車江濬。故少師臣一清負  
 圖冊以進。曰。

陛下聖德神爍。隆慮震昭。朞月而遙。肅物幾化。技  
 英自天。訛屬惕息。所以奉太尊。嗣逸業。靖王室。茂  
 泰階。其勤至矣。加以匱薄。墜輿冒犯。輕躬暴匆。  
 難親為天下讐。解舉得于外。福生于內。自今有之。

陛下益復廣道術。延典藝。脩更化之路。訪問賢聖。  
 孳孳所寡。淳耀光發。揖讓二靈。七教精通。三至備  
 順。譽馳月窟。誼諭日表。四三六五。豈難哉。  
 天子感其意。為發後車。以載之。且夫功用博者。文  
 必侈。蘊崇厚者。加必長。登用瑋。驗開燦。祥示告備  
 于天上。聖猶稱道。弗絕。又况包并至道之要。總覽  
 又安之。教經緯天地。緝熙高明。焯煌哉。七十二君  
 之烈。不遐踪。武而比。羸遂作頌曰。  
 於惟天險。作鎮諸夏。八世九主。光宅烈假。夸視卓

榮接饗。萬里保茲南土。爰洽祖妣。南土芒芒。率育  
 用康。土大風肥。天物相望。邦人弗靖。竊命紀綱。頽  
 我侯屏間。我陶唐。

帝赫斯怒。有服其躍。違爽家情。龔行國道。普天同  
 心。

皇旅慄慄。聲誥燁奕。吏無留誅。纘行禹服。昊天予  
 予。不恐不竦。依其在。都介以彭蠡。遠及江楚。室

廬允懷。咸截其所。帝憫三事。自冬徂暑。我田汙萊。載收千羽。猗與乘

輿祇震下國。天符啓陳。河清誕告。神武其乂。光景  
岳瀆。皇哉皇哉。膺圖戩穀。以莫不申。昭假純嘏。用  
啓我後人。

皇帝東郊賦并序

陳子龍

皇帝在位之四載。庶績昭登。明道重熙。符契假衍。  
麗古絕風。丁受蕃祉。紛綸甚休。一年二年。既勅皇  
穹。用答地祇。至于三祀。厥崇孔繇。道晰禮備。歲在  
昭陽。叶洽日躔。降婁以次。朝日於東郊。禮也。爰自  
肇古。迄於衰微。罔勿遵茲。或蔑厥德。而脩禮乎大

明三靈。惡焉光輝。不來援古。紀聞可得而知也。  
明興以來。二百餘年。禮樂亮章。列聖丕承。脩其  
常典。克勿廢墮。

皇帝嗣統。爰整頽綱。滅憝崇賢。挹嘉名。資英聲。繼  
歇功。張絕業。昭晷之志。交歡。逖邇之氣。畢臻。而合  
明朝。光駿奔。峩峩穆哉。至德通旃。永端離之儀。迪  
輝采於後矣。遵三代之嘉典。隆

二祖之遺緒。用守國儀。以為歲事。哀詔來茲。豈必  
侈大乎。登封賓神。乘龍憑虛。五帝乃歸。明文哉。薦

紳先生之流。或著其義。或勤厥供。未遑麗于文辭。  
 臣新從江南來。京師值上方有祀事。臣少嘗博覽史籍。好稱說秦漢間盛  
 天子儀從。千乘萬騎。如雲如雷。雍汾陰之明典。上  
 林五柞之燕盤。概可知已。幸得瞻其宏麗。誠天下  
 之壯觀也。又雅慕司馬相如揚雄之流。事顯朝。被  
 明詔。作為文章。致其諷諭。為盛事矣。臣之鈍魯。猶  
 有意乎作者。夫德之休明。在位者獻頌於朝。士庶  
 謳歌於野。皆古詩之義也。何必石渠蘭臺之上。資

其炳煒哉。爰作東郊賦。其辭曰。  
 粵若稽古帝。兄事太暉。甘泉汾葵。既享既祈。爰修  
 六宗。天精是依。玄鳥司分。明庶揚旂。命野廬。檄封  
 人夷中。達當靈辰。光期肅清。侍衛周陳。雙列微道。  
 屯方警巡。日中懸猷。鱗萃紛綸。墜戶罷市。照耀城  
 闔。當九衢之肅肅。蠹紫宮之穹窿。列火車以成師。  
 建牙旗之從風。令叙和于蚩尤。擇鉦人於靈鑿。戈  
 矛連綱。櫛比茸髻。甲文綿蠻。煌煌蟲蟲。列星布行。  
 委宛隨虹。植戟藩落。設鍛懸弓。驛致禮噐。千官控

忽鳴金導旗。周道殷紅。逞飛騎之煇煇。交旌節於  
並轡。馳伏飛之。標狡策。闔尹之騎。穉醴泉。載而飛。  
文玉合供。而欲翠。出珍貢於。馭娑置。賴枝以鈞。駟  
龍旂。奕其蟬。媽鼎饒。擁而。蟲。屬起。嘈。嘯之。里。鼓。睨  
鬚。慧之。後。幟。脩。蠱。道之。馮。馮。投。胥。靡之。萬。簣。夷。沙  
塵之。嚙。趾。削。瓌。瑋。而。築。地。廼。其。旣。即。虜。玄。景。也。若  
網。溫。變。黷。而。不。可。揣。靚。長。唐。之。廣。濶。兮。蒙。殷。麟。之  
邈。迤。疊。星。陳。而。髣。髴。兮。恍。傑。儻。之。蜉。蝥。燿。火。陸。離。  
以。秘。路。兮。昭。電。屬。于。營。壘。列。缺。吐。趙。以。揚。灼。兮。燒。

凌競而。狝。乎。角。背。列。九。微。之。陰。霞。冲。融。兮。若。朱。鳥  
流。爛。而。散。于。萼。藥。羣。聲。駘。磔。砢。宕。而。不。譁。兮。羈。馘  
躩。踞。而。同。軌。露。冷。然。下。其。寒。衛。士。兮。凜。兮。瀟。率。而  
殿。屎。呼。侶。嗶。呶。以。麇。至。兮。咸。駢。坐。舉。穆。而。徒。倚。暗  
轂。摩。石。駢。隱。雷。行。兮。夫。何。填。填。殷。殷。之。不。已。也。連  
騎。沛。艾。而。流。遠。聲。兮。若。入。邃。窈。而。未。止。也。眺。遠。壁  
之。映。燿。流。炮。兮。揚。旄。頭。之。掄。扞。纒。纒。尚。太。乙。虛。徐  
于。神。宮。兮。百。神。膠。葛。以。備。使。夜。莽。莽。而。橫。脩。衢。兮  
映。上。宇。之。縹。碧。而。繡。綺。靈。淫。裔。而。途。匪。靡。兮。離。隱

鱗而列天市於是。天子迺起絳殿。今循齋房。蒼通天。今青圭瑋曳飛。皇今登鳳凰。離東華。今出建章。蕭兮神淵。旭旭燁煌。沈溶林立。蚴蟠翔覽。夫耿深夜之澹滅。引曉霧之清滄。湫澗鱗萃。零暄鳥鳩。駢脅隱葱。龍以圪圪。駮耳騰冥。衢而驤驤。迸烟焰以豐沛。紆閣道之低昂。布河漢之流瀾。式玄象之瀚汪。導啓明於震隅。雲蜿蠃而蒼涼。望三條之周道。塞虺韓而孔將。命七萃以前驅。動繁星於玄霜。燈織熠以流離。綴

隋珠之修光。命燭龍以司炬。速幻人之妖吐。竦長劍之歲蕤。秉輕呂而候候。朱干猥其森慘。擊鄴琅以萬舞。紘鳥旗而絳夜。望羽葆以紆聚。矢黃鉞以奮節。立玄弋而暢武。戟撞杵以聲激。下澗鱗之風雨。偉豹服之般文。晦冥蒙而失數。駮擊轂之交馳。遮龍趨之訐嫵。填桐鼓以巡曉。絞金鉦之鏗鉤。奏橫吹之跼蹠。衍篳篥之淒縈。總幢蓋以颺悠。植罕單之崢嶸。列雀扇以舒尾。揚麟旗而飛英。備五時之副車。傳警蹕於幄幘。乃其儀也。裕輅華芝。雲罕

垂菁金根重牙關。戟四莖繆龍立鸞。金駿樊纓伏  
 虎升虬。畫朝雕衡。按和鈴之潺湲。聽舒徐於鸞聲。  
 鷗翅炫側龍首。雄橫蛙蟆。輓繡犂牛。轟擎璫車安。  
 弩皮軒植兵法。望舒以置輻象。星辰而繪旌。太僕  
 奉引常侍護輦。帛旆紛轆。貂蟬婉戀。聳鷓冠之揮  
 霍。逞蘭臺之雄辯。虎夫介以目盱。熊渠馳而足繭。  
 嚴遮迺以清路。戒五營之縱遣。駙天驥而齊于屬  
 飛黃之宛轉。奏雲和之雅聲。載黃車之逸典。盛屬  
 輅之鞞。鞞弭先驅乎郊。墀爾乃六羽既駕。五龍蜿

。誕一人穆穆厥心。塞淵玄端。義岐袞龍。褊褊敬恭。  
 元祀致思。上玄祗乎儲精。之神覩乎迎釐。之專肅  
 天容之恢深。接明神以相宣。朗列鈎陳。當陽歷躔。  
 靈主對越。享用潔蠲。爾其郊壇也。肅掃震地。廣築  
 王宮。遐陌靜坦。隆基翼崇。方壝平素。四塗青蔥。翠  
 幕高布。重帟密蒙。燎壇次乎園丘。巍門矯其宛紅。  
 玉宇轍轍而除。璫金鋪耀耀以舒。隴臺承雲而偃。  
 鳳栢糾枝而守。熊拱貴神於四垂。依璇璣於正中。  
 總流蘇之春蕤。綴珊瑚之雜紅。奕禁幄以照野。延

元精之豐融。其陳列乎重案也。則犢牢碩臚黍稷。馨香滋普。淳於九御。備禮味於五方。太樂設宮懸之器。良醞實玄水之漿。鐘磬駢設。醴汎芬芳。牲粢孔明。犧樽諧常。圭温栗以在席。幣曠燦而承筐。魚鱸出於丙穴。形鹽貢于西涼。鸞醢餼以火化。芹茨採以水湘。籩上林之嘉實。簠三禺之精梁。甘飴糝食禁中。是藏。壘罍秩秩。鱗次神房。若乃帝用明禋。人神具備。屬華蓋之東遊。移羽林以雄蒞。既案伍平北軍。復徙部于鎮帥。五百三輔。諸侯畢至。壁壘

星布于近郊。旌旂龍翰于畿。遂始馳驟而雲屯。終錯落而碁置。緹衣林立於離宮。組練讀列於禁地。野的爍於金鎧。林扉見乎睨幟。疑外垣之拱極。類尊峯之陪位。奏警角以清塗。隔營屯而通燧。控絕隘以戒嚴。備非常而遙愆。于是執事有恪。左右平。平伯夷典禮。女媧鼓絃。燧人調羹。巫咸降玄。百工靜嘉。祝史安便。繽紛擁展。魚龍貂蟬。宰輔分獻。勳庸授筵。太常導引。博士奉傳。具官從祀。洽典備員。執金竦戟。常伯除氈。外夷客使。深目高顙。鬣髻珠



離無肱。比肩咸賓。助祭門外。用虔萬國。肅介百禮。莫愆。

皇帝于是降玉輅之華炳。停大次之幽莫。詣墮門而整容。執鎮珪而寬綽。惟祝歆之諧節。今舞六成之符度。郁毛血其豐芬。今朝玉帛之凝醴。酌醴齊之和暢。今歆玄瓚於雲薄。恭楚楚其彌章。今感神靈于嚴噩。既衷禮而有成。今娛陽景之宛若。既昭夫道德之冥叶。今依精榮之濩霍。協輝煒而緝熙。今懷淳光之允廓。乃向夫柴壇之術術。今望燎位

之爰京。發碣駭以迴火。今亦電纏而霞縈。幣版紛以赫升。今腓脊腥而薦誠。薌都梁與芎藭。今繞琉璃而猱乎金莖。混翠氣於浮烟。今宛焦朋矯乎雲。輶訛飛廉之龍雀。今感若木之華英。朱羲盼以合德。今命三足鳥而答之。仰躋景之逸駭。今新浴乎暘谷之温湄。駕六龍而弭節。今望芬菲而遲遲。耀八紘於方外。今報皇享之既祗。闔曹絕其蝕閉。今亦不卜夫稜鐫。濟玄暢之鴻禎。今昭顯慶於明儀。於是事畢禮平。舞散樂止。頒胙諸司。用受福祉。蓋

皇帝和悅出乎郊壇之中覽乎畛塗之軌載陰載  
 陽乃疆乃理日月畿郊鬱乎壘壘山川間之夷夏  
 經紀皇迺惠眷立極思戢遠邇屬大采之懋典序  
 民事於端祀陋珍符之私况繹仁育之弘美于是  
 反駕城關元戎啓行麟麟班班以偁未央黃麾秉  
 以先度雀幢起而高揚五嶽峙於小隊北斗轉而  
 為梁吹龍笛於清晝彈箜篌之聃長瞻望東華徘徊  
 明光百僚奉謁拜手上觴車旋輪今馬弛轡將  
 皇禮兮事既治昭重光兮見王字炯八荒兮協神

器奕邳隆兮永後嗣遂作頌曰爰帝休命欽茲玄  
 幽鬱儀經天何明不求清壇肅然惠我崇丘雲兮  
 覆之神靈所休懷我王度惟君之來既虔乃事天  
 門東開疇德之興廸祥臻哉惟君之來龍螭以趨  
 萬乘雷行冥心天都却彼玉女而廢秦巫秩秩孔  
 嘉神人歡娛帝宅盛陽厥瑞與俱大雀黃龍扶掖  
 騶虞惟君之歸車徒魂魂克界元祉敬而不煩登  
 朝告廟奏假無言百司庶尹考政臨軒與神於爍  
 貽我子孫